



सानसेयारि **“बड'सा”** खौरांलाइयाव समाज्यादि जिज्जो लोब्बा थानाय रायथाय, खन्नाय, सल', सल'बाथा आरु दावबायादि थावनि, पार्क बाइदिनि सायाव लिबनाय लिबिबां दैथाय हर/सानसेयारि **“बड'सा”** खौरांलाइया खेबखानि फोसावगोन।

बड'सायाव लिबनायनि हुबा खालाम, **“बड'सा”** खौरांलाइया, जो बयबो आंगो खालाम।

**सानसेयारि बड'सा मावखुलि**  
माइब नोगोर, जोहोलाव दैमालु लामा  
कक्राझार, विदिस-783370  
Website: www.bodosanewspaper.com

BODOSA ★ A Bodo News Daily ★ Monday ★ 20 March, 2023 Kokrajhar, BTC, Assam ★ Vol.- 32, Issue No. 352 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs./-

## मानास माहारियारि हाग्रामायाव बड'लेण्ड खुंथायनि बिफाना गामियारि दावबायथाय मेला खुंदें

**मानासआव रिसार्च सेन्टर, जिब-जुनात फाहामथाय विलनिक गायसनगोन: प्रमद बर'**

सालबारि, 19 मार्च: “आंखो बोखारनाई बयनिबो मोजां जायोव्ला बोखारनाया मोजां आरु जुदि थानायाव मोजां जायोव्ला थानायानो मोजां। हाग्रामा महिलारीखो साबायख'र जासियो बिटिसिनि गाहाइ मावफुं सोद्रोमा प्रमद बर'आ। गोदान, गोदान सानसि, गोदान थांखिजों राजखान्थि खालामनांगो। बेयाव आंहा बुंनंगो जेबो गैया।” बे बायदिये दिने बिपिएफनि गाहाइ हाग्रामा महिलारीखो साबायख'र जासियो बिटिसिनि गाहाइ मावफुं सोद्रोमा प्रमद बर'आ। मख'नो गोनादि, थानाय शनिबारखालि बाकसा जिल्लानि सालबारि भकुवामारियाव बिपिएफ दोलोनि गिदित सुबुं गौमा आरु हान्जा



सुरनाय हाबाफारियाव बाहागो लानाने प्रमद बर'खो गोखों रवजों सावरायदों मोन हाग्रामा महिलारीया। प्रमद बर' हाताउ, बिटिसि बाचाओ स्ल'गान होदोंमोन हाग्रामा महिलारीया। बेनि उनावो दिने मानस माहारियारि हाग्रामायाव खौरां बिजोंनि सिगाइव प्रमद बर'आ हाग्रामा महिलारीखो फिनजाथाय होनायनि अनगायैबो खौरां गिरिखो 30 बेसोर (□ 5 बिलाइआव)

**आसामाव बोसोरफोमबो सुबुं आरु जुनातनि गेजेराव सौमजिनाय दावहाजों 80 मैदेर आरु सा 70 सुबुनि जिउ खहा जायो**

गुवाहाटी, 19 मार्च: आसामनि गुबुन गुबुन जिल्लानि हाग्रा ओन्सोलजों नां जावनाय गामिफोराव आबाद फिथाइखो सिलिंखार खालामनायनिफ्राय रेखाथि खालामनो थानायाव गोबां खेब सुबुं आरु जिब-जुनातफोरनि गेजेराव दावहा सौमजिनाय थानायखो नुनो मोनबोयो। बेबादि दावहा एबा सुबुं-जिब-जुनातनि (□ 5 बिलाइआव)

## दिनैनिफ्राय ब्रैथि एसियान ख'ख' सेम्पियनसिप

तामुलपुर, 19 मार्च: गाबोन एबा 20 मार्चनिफ्राय तामुलपुर गोजौसिन गेजेरारि फरायसालिनि गेलोग्रा फोथाराव एसियान ख'ख' सेम्पियनसिपखो खुंगोन। टेन्टजों लुनाय समाइना इन्डर स्टेडियामनि सिडव मोनने कर्ट, नायग्रा गेलारि, गेलीगिरिफोरनि खानुनि बादिथे ड्रेसिं रुम, जामुंसालि बायदि लुफुनाय खामानिफोरखो दिने आबु महरे फोजोबनाय जायो। दिने मोनाबिलि समाव भारतयारि ख'ख' गौथुमनि आफादगिरि सुधांसु मिट्टालनि नुजातिनायाव खुंनाय खौरां गिरि मेलाव भारतयारि दोलो मोननेनि मुंखो फोसावो। हिन्जावसा दोलोयाव डड' फारिये-



महाराष्ट्रनि प्रियंका इंगला, गीरि सिन्धे, आपेक्षा सुतार, निकिता पावार, (लेडाइ केप्टेइन) परबिन निशा, कर्नाटकनि मनिना एल, हारियानानि बिन्दु, राजस्थाननि निर्मला भात, पान्जाबनि गुरबिर् कौर, उरिष्यानि अर्चना माझि, सोनाब बे'गलनि (केप्टेइन)दिपिका चौधुरी आरु मधु। होवासा दोलोयाव दं फारिये- रेलवेनि अमरुत पाटिल, (□ 5 बिलाइआव)

## मिसामारि दख'रा एबसुनि 39 थि गाइसन्थाय सान फालिदों

**दख'रानि गोजाम आफादखो सिमफायनाने गोदान आफाद दाबाय**

बड'सा थान्दे, बेकियाजुलि, 19 मार्च: सनितपुर जिल्लानि मिसामारि ओन्सोलाव गंसेबो बर' बिजोंनि गुदि फरायसालि गैलिया, बे बाथाखो फोरमायथियो मिसामारि दख'रा एबसुनि आफादगिरि दुमन बर'आ। सनितपुर जिल्लानि सिडव थानाय मिसामारि दख'रा दुलाराय बर' फरायसा आफादआ दिने हारिमु गुदि, गुरुबन्दायाव खुंजानाय 39 थि मिसामारि दख'रा एबसुनि गायसन्थाय सान आरु खुंगो 4 थि



गोवां मेला फालिनायनि गेजेरजों गोजाम मावफुं आफादखो सिमफायनाने दिने गोदान मावफुं आफाद दानाय जायो। बे

हाबाफारियावो फौगो 2 बोसोर (2023 आरु 2024 माइथाय)नि थाखाय गोदान आफादगिरि महरे देब बसुमतारिखो आरु गाहाइ नेहाथारि महरे सुकुमार दैमारिखो सायखना लानाय जायो। मख'नो गोनादि, बे हाबाफारियाव गाहाइ आलासि महरे बाहागो लायो सनितपुर जिल्ला दुलाराय बर' फरायसा आफादनि आफादगिरि जित स्वर्गियारिआ। बिथांजों लोगोसे सोलेंथाय नेहाथारि रिजय बसुमतारि आरु बाहागो लायो मिसामारि गुदि बर' थुनलाइ (□ 5 बिलाइआव)

## गसाइगावआव अर खामनायजों गोबां गलाफोरा सेवहांगार

बड'सा थान्दे, गसाइगाव, 19 मार्च: गसाइगाव महकुमानि 2 नं हावरियाफेद(गलादांगि) हाथायनि गोबां गलाफोरा अर खामनायजों सेव हांगार। दिने फुनि 4 रिंगासो समाव गसाइगाव महकुमानि सिडव थानाय 2 नं हावरियाफेद (गलादांगि) हाथायाव मोव्लिबनि सर्ट सर्किट जानायाव गासै गं 14 गलाफोरा अर खामनाय सेव हांगार जायो। सुलुडा फोरमायनाय बायदिब्ला, अर खामनायनि जाउनाव जि गला, गला माल गला, फारमासि गला बायदि बायदि गलाफोर सेव हांगार जायो होन्नाई बाजार आफादनि



आफादगिरि नुर महाम्मदआ फोसायो। लोगोसे अर खामनायनि जाउनाव गासै 50 लाखनिबो बांसिन रंनि धोन-सम्पतिफोरा खहा जादों होन्नाई फोरमायबावो। ओन्सोलनि सुबुंफोरा अर खोमोरा बिफानाखो खौरां हरनायाव अर (□ 5 बिलाइआव)

## भबानिपुरआव दौने लामा बानायनो अन्थाइ खाम्फा गायसन्दों

भबानिपुर, 19 मार्च: भबानिपुर बिधानसभा बियाबनि एमएलए फनिधर तालुकदारआ दिने मोनने पाक्का लामा लुनायनि अन्थाइ खाम्फा गायसन्ना होयो। मख'नो गोनादि, भबानिपुर बियाबनि सिडव थानाय दातिरवारिनिफ्राय राजाघाट-बरसिमला लामा आरु करगारि बाजार ओन्सोल (नकुसि गामिनिफ्राय दातिरवारि जानाने राजाघाट-बरसिमला थानाय) लामाखो पाक्का खालामनायनि आलादा-आलादायै अन्थाइ खाम्फाखो एमएलए फनिधर तालुकदारआ गासन्ना होयो। लामा



लुनायनि अन्थाइ खाम्फा गायसन्ना तालुकदारआ गावनि बिबुंथियाव सुबुं लुफुंथाय बिफाननि 2022-23 बोसोरनि गिबि मन्थि पाक्का (□ 5 बिलाइआव)

## सुबुंनं मिथिसार होनाय

आसामनि एसेमब्लि आरु पार्लियामेन्टरी बियाबखौ दाफामफिन्नायनि खामानि मावनो थाखाय भारतनि बिसायख'थि आयोगनो बिबान होनाय जादोंमोन। बे दाफामफिन्नायखो नायनो थाखाय कमिसननि (मानगोनं चि.इ.चि., श्री राजीव कुमार, मानगोनं इ.चि., श्री अनुप चन्द्र पाण्डे आरु मानगोनं इ.चि., श्री अरुण गयेल) मोनहा फौगो 26 मार्च निफ्राय 28 मार्च, 2023 सिम आसामाव बेरायफेगोन। बिथांमोनहा जायगानि गुदि-खिथा थासाखि मिथिनो आरु बियाब दाफामफिन्नायनि खामानि मावगासिनो थानायाव बाहागोदारी/सरसनसा सुबुंफ्रा आयोगनिफ्राय मा मिजिं दं बेखो मिथिनाने लागोन। बे बेरायफेनाय समाव आयोगआ राजखान्थि हान्जा, राइजो-राजाफोरनि थान्दे, नोगोरारी माहारी, माहारियारी आफाद आरु राइज्यो खुंथाइनि मावख'गिरिफोरजों लोगोसे जिल्ला बिसायख' मावख'गिरि/राइज्योनि गासिबो जिल्लानि बेंगिरिफोरजों आसाम राइज्योनि बियाब दाफामफिन्नायनि सायाव गिबि फोरमायथाय आरु मिथिथाय बुधुमनो थाखाय सावरायलायगोन। लोगोसे आयोगआ गासिबो बाहागोदारिफोरखौ बियाब दाफामफिन्नायनि खामानिखो थि समावनो फोजोबनो हानाय बादिथे हेफाजाव आरु गोनां गोनां सुबुरुन होगोन होन्नाई मिजिं थिदों।

बेनि सायाव, मानगोनं आयोगआ गनायथि मोन्नाय माहारियारी आरु राइज्योआरि राजखान्थि हान्जाफोरजों फौगो 27-03-2023 खालि फुनि 9.00 रिगानिफ्राय 12.00 रिगानिफ्राय गुवाहाटीनि रेंडिसन ब्लु हटेलाव आरु सुबुंफोरनि थान्दे, नोगोरारी माहारी आरु माहारियारी आफादफोरजों 27-03-2023 आव बेलासि 1.00 रिगानिफ्राय गुवाहाटीनि रेंडिसन ब्लु हटेलाव सावरायलायगोन।

बयनिबो थाखाय, जायफोर मानगोनं आयोगखौ लोगो हमनो गोसो जादों, बिसोरो गावसिनि गोसो जानायखौ फोनांजाव लाखिनो आरु गावसिनि थान्दे दैथाय हरनायखौ जमा होनो, मानगोनं आयोगनो माबाफोर होनांगोव्ला 23-03-2023 खालारनि बेलासि 5.00 रिगानि गेजेराव Chief Electoral Officer, Assam नि e-mail ID ceo\_assam@eci.gov.in आव एबा गाहायनि थंआव हरनांगोन

Chief Electoral Officer, Assam  
Janata Bhawan, Block C, 4<sup>th</sup> Floor  
Dispur, Assam  
Guwahati-781006

मानगोनं आयोगखौ लोगो हमनो थाखाय थान्दे दैथायहरनाय आरु गोसो गोनांफोरा 22-03-2023 खालारनि बेलासि 5.00 रिगानि गेजेराव गाव-गावसोरनि जिल्ला बेंगिरि/जिल्ला बिसायख' मावख'गिरि नि e-mail ID एबा मावख'आवबो जमा होनो हागोन।

नितिन खाडे, आइ.ए.एस.

चीफ इलेक्ट रैल अफिसार, आसाम

चीफ इलेक्ट रैल अफिसार, आसामजों राइजो-राजाफोरनि गोनांथिनि थाखाय फोसावनाय

JANASANYOG/DF/2684/22

## भारत-भुटान सिमनानि नने सेरफां ओन्सोलाव लौनाय दैनि जेनाखौ बोखानो भुटाननि दैदेनगिरिफोरजों सावरायदों आसाम आइन आफादनि बुंथिगिरि बिस्वजित दैमारिआ

गुवाहाटी, 19 मार्च: आसाम आयेन आफादनि बुंथिगिरि बिस्वजित दैमारिआ दिने भुटाननि सान्द्रक जंखार जिल्ला खुंथायजों गोनांथार आयदाफोरखो लानाने मोनसे जुधुम खुडो। गोबाव समनिफ्राय लौनाय दैनि जेनाजों भुटान सिमना ओन्सोलाव थानाय सुबुंफोरा मोगा-मोगि जाबोनांदों।



बेनिखायनो भुटान हाजोनिफ्राय बोहेख्तायबोनाय दैखो गोदान गोनोखो आदोब बाहायनाने आसामनि सुबुं सावसि सोरदिंगोरा बिफानआ लोंनो हानाय खालामनाने गामिफोराव रानाने होनायनि मावथांखि थियारि (□ 5 बिलाइआव)

## राइजो-राजाफोरनि जौगालु खामानि मावनो फोथाराव ओंखारदों : मुन मुन ब्रह्मआ

बड'सा थान्दे, पर्वतझरा, 19 मार्च: पर्वतझरा बियावआव राइजो-राजाफोरनि थांलाय-फैलायनि थाखाय गोनांथि जानाय बायदिये गावनि एम सि एल ए फान्डीनफ्राय दालां लुफुंनाने होनो खोथा होदों एम सि एल ए मुनमुन ब्रह्मआ। पर्वतझरा बियाबनि (□ 5 बिलाइआव)

## माजबात दखरा हाग्रा बिफाना आइन बेरेखा दंफां मिल, बाथामजों लोगोसे गंसे ट्रेक्टरखौ हमदों

माजबात, 19 मार्च: उदालगुरि जिल्ला हाग्रा बिफान आरु माजबात दखरा हाग्रा बिफाना दिने आइन बेरेखा दंफां मिलफोरनि हेथायै गोखों हाबाफारि लायो। हाग्रा बिफाननि बे हाबाफारियाव जिल्लानि सिडव थानाय माखासे आइन बेरेखा दंफां मिलफोरखो बोखारनाय जायो। उदालगुरि जिल्लानि सिडव थानाय गुबुन गुबुन जायगाफोरव आइन बेरेखा दंफां मिलनि हेथायै हाबाफारि लानाय बायदिनो रौतानि



लाइलांपारायावबो आइन बेरेखा दंफां मिलखो बोखानो हायो। बे हाबाफारियाव आइन बेरेखा दंफां मिलनि माखासे आइजें-

## मेदिकनि नंखाय सौंथि बिलाइ लिंक जानायजों लोब्बा थानाय फरायसाफोरखौ हगारबाय

गुवाहाटी, 19 मार्च: 2023 माइथायनि एइसएसएलसि आन्जादआ खुंजागसिनो डड। बे समावनो जिअग्राफी आयदानि सौंथि बिलाइआ लिंक जानायनि हेथायै नगाव आरु शिवसागर पुलिसआ संदानाय हाबाफारिखो खालामगासिनो डड। मैया नगावआव सासे फरायसाखौ (□ 5 बिलाइआव)

# सुजुगिरिनि खोलोम

## फिसिनाय जुनातनि बान्जायनाय

जिब-जुनात फिसिनानै रइजो जानाया सुबु हारिनि मोनसे एंगारनो हायै गोदो-गोदायनिफ्राय सोलिनानै फेनाय हुदाखान्थि । जौनि हदतल' नड मुलुगनि गुबुन गुबुन हदतफोरवबो मोसौ-मैसो, दाव-अमा, बोरमा-हांसो फिसिनाय नुनो मोन्नाय जायो । जौनि ओन्सोलाव मोनो थाडै नाथाय जुनातसालिफोरव नुनो मोन्नाय गोबां जुनातफोरखौबो गुबुन गुबुन हदतफोरव फिसिनाय नुनो मोन्नाय जायो । जौनि सुबुफोर दाव-अमा फिसिनाय बादिनो सैमा-मावजिबो फिसिनानै नख'रव दोन्नाय नुनो मोनो । सैमा-मावजियाबो नख'रनि बान्जायनाय लाबोयो । मावजिया न' सिडव आरो बाखियाव उतखार खालामनाय एन्जर, एम्फो-एन्लाफोरखौ जानानै नख'रनि गहाम बान्जायनाय लाबोयो । बेबादिनो सैमायाबो बारिफोरव आबाद जानो फेनाय मोसौ-मोसा, सिखाव आरिफोरखौ सोंखावनानै बिगुमाखौ सांग्रां खालामनानै मदत होयो । जौनि गामियारि समाजआव नख'रफोमावबो हाल एवनो थाखाय मोसौ नडाबा मैसो फिसिनाय जायो । मोसौ-मैसोखौ हाल एवनायनि अनगायै गाइखेर आरो हासारनि थाखायबो फिसिनाय जायो । रासायनिक हासारनिखुइ गोबोर खिनि हासार बाहायनानै दिहुनाय आबाद फसलफोरखौ आथिखाल समाव सुबुफोर बांसिने आजावनाय नुनो मोन्नाय जायो । सिगां समफोरव गामियाव गलि बुंफबनाय मोसौ फालो नख'रफोमावबो नुनो मोन्नाय जायोमोन । आथिखाल बे नुथायखौ नुनो मोनबांलिया । गामिफोरव थाडेब्ला गाइखेर जानो थाखायल' खायफानि नख'रव माफा-मानैल' मोसौ गाय नुनो मोन्नाय जायो । फोथारव गुमहैनो गोनां जालायनाय मोसौ फिसिलिया गामिनि सुबुफोरबो । मोनसे समाव फैलाव फोथारफोर फालो फालो मोसौजौ फुंनिफ्राय मोनाबिलि समसिम बुंफबनानै थानाय आरो लावखारफोरनि रंजानाय-सिफुं सुनायजौ गोमफबनानै थानाय नुनो मोनोमोन । मानि थाखाय गामिनि सुबुफोर मोसौ फिसिनायखौ नागारबोनो हमखो बेनि जाहोन गैदायैबो नड नुनो मोन्नायबो जायो ।

सिगांनि समफोरव नुनो मोन्नाय गुवार गुवार फोथारफोर आथिखाल समाव गुसेब जालांनो हमनाय, गांसोनि आंखाल जानाय, जोथोन लानो सम गैयै जालांनय बाइदिफोरबो सुबुफोरखौ मोसौ-मैसो फिसिनो नागारहोदों । सुबु अन्जिमा बांनयजौ गोर्लेसोनानै थानाय फोथारफोरव न'-बां लुनायनि थाखायबो मोसौ फिसिनायव गोनां जानाय फोथार आरो गांसोनि आंखाल नुजानायखौ हमदांनो हायो । बेनि थाखायबो सुबुफोर गाइखेरनि थाखायल' माफा-मानै मोसौ गाय फिसिनो लानाय नुनो मोन्नाय जायो । आथिखाल सुबुफोर नख'रनि हाबानिखुइ गुबुन जायगायाव थानानै गोबां रं आर्जिहेनायखौ गोबांसिने गोनांथि होयो । नख'रनि हाबा मानानै जेसेबां खामायनो हागोन बेनिखुइ बांसिनि माखासे समनि गेजेरवनो गोबां रं आर्जिनयनि मिजि सिमां लानायनि थाखायनो नख'रनि हाबाया गोनांथि होजायै जालांदों । जाउनाव गुबुन गुबुन हाबाजौ लोगोसे मोसौ फिसिनाय, बाइदिसिना आबाद, मैगं-थाइगं, फिथाय-सामथाइनि आबाद मानाय बादि मुलाफ्रा गोनां हाबाफोर थालांनयाव बेनि गोनांथिखौ गुबुननिफ्रायसो सुफुंनंगो जानानै फेनाय नुनो मोन्नाय जायो । थि थांखिनि गेजेरजौ नख'रनि हाबा मोसौ, फिसिनाय, आबादयाव नांथायनाय, फिथाय-सामथाइ, मैगं-थाइगं मानयनि राहा लायोब्ला गुबुनाव खामानि नागिरनानै थानांगो जाया ।

# दिनेनि फान्जामुधि

## राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (इ फ) मकर : ख ज कुम्भ : ग श (स) मीन : द च (ख ज झ)

-  **मेघ:** जेखि जाया गोसोखौ लोरबां लानो नाड । देहा-सावसिखौ सांग्राडै लाखि ।
-  **बृष:** मानिबा फोर्बोनि समाव रंजा-बाजा खालामनो हागोन । गोजोनै सम बारहोनो हागोन ।
-  **मिथुन:** बहाबाफोर दावबायहैनो मोनो हागौ । गोजोन्नाय मोनगोन । मोजां सान ।
-  **कर्कट:** मोजां मोनलायनायनि गेजेराव अनलायनाया बांगोन । फारफोमथिबो मोजां ।
-  **सिंह:** लोगो-दिगि जालायनाया बांगोन । जैरैबो गोजोन्नायखौ मोनो हागोन । मोजां सान ।
-  **कन्या:** जेना थानायफोर जोबस्त्रांगोन । सुखु-गोजोनै थानो हागोन । मोजां सम ।
-  **तुला:** बेफार फालांगि माननायाव मुलाफ्रा मोनो हागोन । फालांगि मावग्रानि थाखाय गहाम सान ।
-  **वृश्चिक:** मोजां खामानि माननानै गावनि आथिआवनो गसंथानो हागोन । जौगाखानाय फैगोन ।
-  **धनु:** बायदिसिना बेरमआव गोलैबायनो हागौ । देहाखौ सांग्राडै लाखिनाया गहाम ।
-  **मकर:** जेखि जाया न'नि शुभ खामानि माननानै लानो हागोन । गोजोन्नाय मोनगोन ।
-  **कुम्भ:** मानिबा दायनि थाखाय साजा मोनांनो हागौ । जिंगा सिनांगौआ बांगोन ।
-  **मीन:** माबा मोनसे गोदान खामानि माननो मिजि थिगोन । सान्नायखौ मावोब्ला मुलाफ्रा मोनगोन ।

# सुंद सल

## खाम्फा नाजरी

गिदिं गिदिं सानसेमानि खबर लाबाय आं- दिने मोनाबिलियाव ओंखाम मोनजा नांगोआ गोब्राबसै । गेस चिलिन्डरआनो सौफेथ'आखेनो ककराझाराव । सानसेसो सिगां दैबायला बायनायफ्रानोबा मेरला थारमोनलाय । आंनो नांगो नालाय मुफा मुफा जानानै होयो । जेरावबो खबर लाबाय आं गैया । जि बादि बोथोर सावन दान, देरलाय ओरैनोब्लाबो अखा हानाया गुबुन गुबुन बोसोननिफ्राय बांसिन बाइदि । एसे दलामैनो अखा हागानानै नागर गोदान, फ्रि फ्रि थाइफ्रिनाय बाइदिल'सै मोन जानांगौ । बिसिनायाव गोलांथ'नानै माबा माबि सानफुबाय थानाय समावनो गाबजि फैदोंमोन, आंखौ लावद्राम फंबाया । बिसिनानिफ्रायनो आंबो राव हरनानै सौहरदोंमोन, खामसालिसिम सौफेगौ मानिआवनो ।

“हा मा खबरब्रा लावद्राम ।”  
 “ए माबालै आद, अखा हानायावलाय माथो खालामबावनो ब्रा, दहाय फुंडव नों मोन्नाय थाइलेण्ड मागुरखौनो एवजानो फैदोंलै आं आदा ।”  
 “हा मात्रै मिथिहैखोलाय ब्रा आंनि ना मोन्नायखौलाय लावद्राम बाबु ।”  
 “मिथिया जायो नामा, आदाखौलाय । अखा लिंहरनानै नोंनो ना जाग्रा, लामा सिला लोमहोग्रा जौनि गामिआव सासे । फुंनि 1-00 टा 2-00 टा बाजिनिक्रयनो सिखारनानै दावब' बेंगा बादि ना नागिरग्रा मासुयाखौलाय । नुयाखै होनबा सानद्रिफ्राव ना फिथिखि थेंगोना गोरानफोरा, थोखा थारलायबाय बेहासो, नाफामबाबो हासुंखि हासुं जाथारनोसैलाय । नोंनि थाखायनो जौफोर बायदिआसो खि दौजा बायनोसैलाय हिनजावफोरजों ।”  
 “हा नोंसोर लाय राइजाखगोन खिबो दौजाखगोन, दै लोमनाय सिलायाव थफिनाय नाप्राय निस्ला नुब्लाबो मैथा खानो थिन्नो रोड नालाय ।”  
 “बेनोले आदा माथो खालाम बावनो गामियाव थायोमोनब्लासोलै । टाउनाव फेनानै जेबो जालियालै आदा । मालदां बाजारव थंन्रबवानो मोनो नालाय । जानायालाय जायाबो बोथिफ्रामबो ना बेदर नडब्लानो गथफोरबो बिदिनोसै । आंथ' आंखासै माब्लाबाबो गारामाखौनो थगानो हाखाथारला । मोनाबिलिफोरव सोरखौबा लोगो मोनफलांबाथ' आर दाबुसे- लोंसे लोंनानै नोंनि बेवयाइनोबो लाबो बावयोले आं आदा, ,सानैजों गथफोर जाखां जोबब्लाथाय ओंखाम गोजाब्ला फिनो लाबोनाय दावफोरखौनो सिथार ब्रबबायनानै जायोले जों आदा, थेवब्लाबो नोंबादि सोलाबथारलालै लुग्रों-बाग्रों दैफोरव ना थारखौदेन खाथि बायनानै जानो ।”

खोथा बाभ्राफोरा मोजांथार बिना, नंखायनो बयबो मोजां मोन्नानै बिखौ जौनि गामि गोदान मंलाय नोगोरनि पाब्लिचिटि अफिसार, गायसन्नाय जादों । गामिनि जायखि जाया मिटिं दावथिं डडब्ला बेनो खबरखौ होजोबनांगौ जायो । जौनि असे गामिफोरव बालाय हालमाजि होन्नानै बुडे । बै दरसे बै दरसे गामिनिफ्राय ज' जाफेनाय फिसा फिसौब्लाबो बयबो साखि मानवाय नालाय आरो साफा सानैल' कन्ट्रक्चर फालांगि मानवाय दडा लासिं सिं मानो गामिनि बादिलाय हालमाजि दोनबावनोब्रा इसे स्टेन्डट मुंखौनो दोनदिनि होन्नानै पाब्लिचिटि अफिसार मुंखौनो हालमाजिनि जायगायाव दोन्नाय जादों हाइ फाइ जौनि गामि गंगलाय नोगोरव । दा बे पाब्लिचिटि अफिसारनि बिबानआव लावद्राम फंबायानो दं । ओरैनोबा लाय दा लावद्रामआ जायगाआवनो थानाय कमाच कलेजनि नाईट सौकिदार । ककराझार टाउननि सोनाब सा माय गायग्रा दुब्लि लांदां जायगायावनो बोरैबा आवगायावनो दाम खम समाव हा खरलबसे लाफेलांदों बियो । बिनि उनावनो खाथियाव कमाच कलेजखौबो गायसन फेनायलाय बेवहायनो साखिखौबो मोनदों लावद्राम । बिसिजों फिसाजों जखाय थामसो नखरनि सोद्रोमाफोरा । सानसेखालि बि टि सि बिसायख' थि खुंनो लानायाव हानजाफोरनि इलेक्सन केम्पैइननि थाखाय लानाय कमाच कलेजनि फोथारव लावद्रामखौबो एफा एनै बोथ्रोत बोथात खामानि मावहोनायबो जादोंमोन । खिखि जाया थुरि गांसोफोर गारिलबाय थानाय बाइदि बै समफ्राव राइजो राजाफ्रा मोनफ्रोमबो दोलोखौनो जायगा आरो बरायनांगौ जानानै फेथार नांदोंमोन । बिसायख'थिनि दावहा फोथारव जि बाइदि गोरा गोरा हानजा । मोनैबो राफुथारनाय मोनसेआ जाबाय लैथोआव थरलनानै मोनदां बोखां बोजोबनाय, फासैथिं मोनसेआ जाबाय, हनुमान गैयाब्लाबो लंकाआव बारलानो हानाय हानजा । गोदै गोखा गोबाब बेसेबा हज्रिखावनाय खोनासंनो होखावनाय खोनासंनो, एखनब्ला खोमाफ्राव तुला मुथेयाब्लानो उफाय गैया जालाय लाडे । बेबादिनो मोनैनिबो हानजाया बिनो बाजौ रं बाजौ रं होलादोंनो, आरो बुंलादोंबोनो, नोंनि बाइदि साफ्रोमबो बर' फोरनि नखरा जानाय मोनब्ला जों भट बिनो गुबुन हारिफोरखौ एसेबांमानि खुलुमथाव नांनय नड मोनलै होन्नानै लावद्राम फंबायखौ ।

नंनायालाय नंगोबो मेमु मेमा गासै साजि गथ गथायफोरजों गोमोमथार, जौहा लावद्राम फंबायनि संसार । आथिखाल बर' नखरनि सोद्रोमाफोरखौ नायोब्ला लावद्राम फंबायनि नखरा हारिंसिंडेनो नखरथामसो जानो नागिरलाय लाडे । बेनिखायनो आंबो सम सम जंखायनानै बुंनय जायोमोन, लावद्राम फंबायखौ, नोंनो बास्था होनांसिगौले बरफोरनि गेजेराव होन्नानै । अब्ला खे-खे मिनिनानैल' थायोमोन बियो । सरल आरो सादा सिदाद्राय लावद्रामनि गोसोआ जायनि थाफावनाखि गामिनि सोरबा सोरबा मोनहा फिसा फिसो लोंनाय जानाय खामानिफोर जायोब्ला बेखौल' नांगौ जायो । बेदर गोदानयनिफ्राय जुरि जेन्नानै आमोखा आमोखि जोबब्लांनो रोगानाय, बेसेबांदि थालाय फैलाय लावद्रामआ । इसे जिरायहां जाब्लानो लावद्राम इसे लोंहां जाब्लानो लावद्राम बयनिबो खुगायाव खालि लावद्राम लावद्राम बे समाव बेनिखुइ बांसिनि मुलि रावबो जाननो हायादा । जायनि थाफाव सिबाय लावद्रामा गामिनि लुखानाय बाहागखौ खेबफा खेबफायैनो गोदाव नांगौ जायो । बिदियावब्ला गावबो थिक थारनालाय । जायनि सिलायाव नाखि दावसा गांसोफोरानो बिबार बारनानै फिथाय मोनगुलाय लाडे । बे लावद्राम बाबुआनो बैफोर बादिआवब्ला बयनिबो गोनांथार जायोमोन । दासो इसे बोराय होंबाय नालाय देहाआबो

# खासेव गाब्दानि बोसोन

बहाथो थाबाय थानो, सानफ्रोमबो जाय जिनिसखौ नाखि लुसन हरबाय थायोब्ला, गन्थं खुगा मोखांथिं दावखो बोबाय थायो, बेबादिनो लावद्रामनि मोखाडबो बल-ब्लादार देरबोनाय बाइदि बुनाय जाबाय । खिफि बेदोंफोर बाइदि रिदिमेड बेरा बैसां नागिरग्रा गाव गावनि साइकेल टायाराव फाम सोनो बाग्रा जोहोलावफ्रा दा हले बेरफु जानो गिनानै लावद्रामनि फासं बांद्राय नायसन्नो सम गैया गैया जालांबायसै । सिबाय लावद्राम मानो बिदि जाखो रावबो मिथिला खालि बुंजा बायसैल' । जि बादि आद्रा-खिद्रा गोरोफोरनि फालायाव गोलैबोनानानै लावद्राम बाबु नोरजिया । दासो इसे हारिंसिं हारिंसिं जानांबाय जानांगौ । जौसां देदसां बर'नि मादाव नाइनो मोजांथार होनब्ला लावद्रामआबो सासेमोन । फिसाजोफ्राबो गाव बाइदि गोजौ गोजौ गन्थं मोखां स-स्र मेगनाव गोनां जोबथारलाय । गासै साजि फिसाफोरनि मादाव साद' हिनजावफोर । देरस्ताबनोनो मोना सिलाफोर बादि साबनानै लॉनाया माब्ला माब्लादि गासै बर सेलेफा जुंगाल नेपालि साब्रै बिजामादै मोनखो लावद्रामा मिथिस्ताबसै । सानै दंबावयो, दुइसिनफोरनि साबसिनथार होन्नाय बाइदिनो आदां आरो फादां । मुदांखा थारसै जायगाआव बुंनो थाडोब्ला लावद्रामनि खाफालआ सिगांनिफ्राय एसे साबसिनसो जानाय बादि जाबाय । मन्थ्री एम एल ए फोरनि दरखं मोखाडव गारि मटरफोर जमा जानाय बाइदि, जौहा लावद्राम फंबायनि नआवबो दानिया सानफ्रोमबो बेसेदि मारुटि, बलेर' हिर' हन्दा, पालसार नायनो । गुल गुल सानसुनि मोनाबिलिनि गोजा गुफुरजों हारा बेगें सान्नायफोरखौलाय बेसे नायहरनोसो जायो ।

बेबादिनो गोबां सम लावद्रामनि मोखांखौ नाइनानै आं सिगाडव नुजेन्नाय मोखांखौ गोसो खानानै, सोब्लासो, फिनारसै बियो, “आफादगिरिआ बयखौबो सिरि सिरियै स्रोद स्रोद ओंखार लांखोमानो थिनदोंलै आदा ।”  
 “हा मानो” आंनोबो हास्लाब लायखाया सौंफिन नाया, अब्ला लावद्रामआ गोथां थारमोन, मोनलेंथथ्राखैमोन दां । गुरैयैनो फिनारसै बियो माबालै आदा । बाजै एम एल ए निथिं थानाय लामाखौ जावपलं हरखोमा नांगोनो दिने दा हावहहाय । बेखायनो बयखौबो दिल महम्मदिनि नआव ज' जाहैनो थिन्दों आफादगिरिआ । जौनि गामिनि गोरा गाहाय एबा गावबुराखौ आफादगिरि बुंनय जायो । जाब जुब बुखा गामिनि मानसिफोर बाइदि लाय मानो गावबुरा बुंजा बावनोब्रा जौलाय, बेफोरखौ नांभाय थालालै होन्नानै जौनि गंगलाय नोगोराव आफादगिरिसो बुंनय जायो । फारसेथिंजाय आफादगिरिजोंनो नाथुर बोस लायनानै जाग्रा दिस्टट्टिक ररेल डेभ' लपमेन्ट एजेन्सिनि एकाउन्टेन्ट दिल महम्मदआ जौनि गामिनि बयनिबो फेभारिट थारलाय । खोथा बाभ्राफ्राव रावबो फेजेनो हाया । बांला असमीया हिन्दी सावताल, खासिया, गार', नेपालि आरो भुटिया रावखौबो इसे इसे रोंगौबो । मेट्टिक पास जानानै सिलडव फरायफुनाय समावनो खासिया हिनजाव लानानै फैदोंमोन । बेबादिनो बुंनानै फोजोबनो हानाय नडादां, बिनि माखासे आखुफोरखौ बुडब्लाबो जासिगोन । टाका फैसानि बांद्राय आंखाल खिन्थानायखौनो खोनाफेरा, अहल-अहल बाहायनायखौसो नुनो मोनो । सोलोगोरा मानसिखायनो सोरखौ लोगो जायोब्ला बारग' गोन बांगाल खायदाफोरखौबो रंखेथारसिगो नालाय । जौनि गामिनि आफादगिरि मानाव गेदेत बिथाड मोजाडैनो गब्ल थारोनो । मिलाय थारदों सानैजों ओरैनोब्लाबो मालायनि मोनब्लाथाय गंगलाय नोगोरनि आफादगिरिआ ख्लाब-ख्लाब बोख्लाब थारो । माब्लाबा बैसागुआव हिनजावफोर मागिनानै मोन्नाय खाजि जाफुनायखौ बोरैदि सौग्रावखो हारिंसिंडेनो साराय गेजेर नांजासे जाब्लाबो सिखाराखेनो सिबायफोर, हाजार हग गामिनि गोरा, उफाय गैया बिनायमानि होनांदों । बे दिनिफ्रामनो जौनि गामिनि आइजो महिला फोरानो मानाव गेदेत आफादगिरि बिथांखौ थाइलेण्ड मागुर थाइटेलबो होनाय जायासै । ओरैनो हिनजावआनो सानै दंखायो , आरोबाव सेर फाखायनाय हुदाखौनो नागारा नालाय एकान्टेण्ड मन महन उजिर बसुमतारी बिथांखौबो ओरैनोसो सारोमै गैयैफोरनि

आखुखाय गामियाव दिल महम्मद गाबजिनाय जायो । दा बिथांखौ जेरावबो दिल महम्मद मुडैनो मिथिसैबो । जायखि जाया आंबो राइजोफोरजों थाफानांगौब्ला थांसिगोन होन्नानै मोनानि ओंखामखौ जुथेयैनो मैथा बांगालजों नाजों जानानै आगान सुरलाडसै दिल महम्मदिनि नसिम । साफा सानै जमा जाहांबायमोन जानांगौ, सिलाथाराव सौहैब्ला दंखाथारसैमोन बिथां आफादगिरि, नेहाथारीजों लोगोआव थोंगोर आरो रमेनआ । नुनाय लोगो लोगोनो बुंनो हमहांबायनो आंखौ जंखायनाय बादि रावयै बिबोनां थोंगोरआ । मा गुमै गिख' माथो दिने नोंसो आवगाय आवगाय थारब्ला । बे समावनो खाब जानाय बादि मोनथारनाय नेहाथारी बाबुआबो लोगो नांफा देश्रासै, सिलाफ्राव गोलेर अक्टपास फेनो नागिरब्लाालाय मानो सिगां सिगां फैया जानो । रावखौबो जेबो फिना लासेनो गुजुस्रेमनानै बुडसै- जौनि खामानि मानवो नागिरनाय खामानिया मोजां जायासै खोमालै आदा आफादगिरि । रान्दि मानसि रावबो गैयै फिसायबो गैया खुनु रोखोम हारिंसिंडे सोलिनय हिनजावनि फिसाखौ अन्नाय खालामथारनाय जाया होनब्ला । मा अन्नाय खालाम थारनाय जानोब्रा खेबबेसे बुंहेनांगौ नांगौ जाखो बिखौलाय, हाजार हाजार बुंन्लाबो मिथिया नामा बिहा इसेबो गियानआनो गैया नामा, मानसिफोरनि असुबिधा जानायफोरखौलाय । खोथा गैया दिनेनि हरावनो जावपलं हरथार नांगौ, नडब्ला जौनि बिसि फिसाफ्रा सानफ्रोमबो दैआव हाबुआव अमाफोर बाइदि गोजोमनानै थाबाय थानांगौ नामाब्रा । रावबो आवगायबो आं हले मिथिलालै । माब्लाबानो सौफेखोमानानै थानाय हारांगाआ अं अं बुंलाडसै । एम एल ए जौनि गामिनि खोलाहा आलाइ खुंघि गामिनि सासे फिसाय गैयै हिनजाव । फिसाफोर साथामजों मोजाडैनो सोलिबोदों । नखरनि अबस्थाफोराबो बुंनो थाडोब्ला बेवयाइफोर सुमिलाआ जि बाइदि जुगजों गोरोबनानै सोलिनो रोंगौ एखर एखर जौबादि हीवाफ्रानो हास्लाब बावआसै । सोरबा इ एम सोरबा एम एल ए सोरबा एम पि अफिसारफोरनि बिसिफोरजों हास्लाब लायै लोगो जानानै एफा एनैब्लाबो सुबिदाफोरखौबोदि आदाय खालामनानै लानो रोंथारगौ नालाय ।

नोंहा बेवयाइफोर समिलाआ । ओरैब्लाबो नामा बिना जौनि समस्टिनि एम एल ए समिला देबो उजिरजों एखे नालाय, बयबो बिखौ गामियाव जंखायनानै एम एल ए होनदाव होनदावनो जोबथारनायाव बे एम एल ए आनो नाम थालांबाय । दा बाभ्राफोरा बिनावनो जोबहैनो नागिरनाय बाइदिबो जाहैदों ।

आजिखालि गामिफ्राव गुवार गुवार हा हु मोसौ मैसो दाव फारो मानसि-दुमसि लानानै जानाय मडेलफोरखौ ओरैब्लाबो सिं सिं जौनि मानसिफ्रा मोजां मोनखाथारला । नांगौब्ला खरलबसे हा लानानैब्लाबो टाउनाव थानो हानायखौसो देरगानाय मोनग्रा जालांबाय । बाइदिसिना जाहोनफोरबो थानो हागौ, गथ-गथायफोरखौ टाउनाव थानानै नडब्ला माबोरै लेखा फोरोंनो बौरहाय मानसि खालामनो बाइदि बाइदि । सान्नायखौलाय बयबो मोजांखौनो सानो, नाथाय सान्नायनिखुइ मावनो हानायासो गोब्राब । जैरै सान्दों एरै जानायब्लाथ' दिने जौनि माखासे मानसिफ्रा मानोथो दोरोदनो गोनां जाखो । गावनि बिखुंनि मैलाखौ गावलाय बहा नुनो, मालायासो नुगोन, खिन्था बायफलांबा दायसो जानो नागिरो । दिने बेबादि बेसेदि दं जौनि गेजेराव नोंबा आं आंबा नों रावखौबो मोजां सहाय, बोसोन होलायनायनि सम गैया । बहा फिसा फोरोंनो बहा फिसाखौ मोजां खालामनो जौनि गोदेनि आबै आबौमोननि समनि बाइदि उन्दैफ्रा थांखु जौ बेदर जायोब्ला थाथेयोले, दाव बिबुफोरखौ हिनजावफ्रा जानो हामानो होन्नानै मानि होबोनो हानाय समफ्राखि दा दंबावयोले । बिटिसफोरानो जेनबावसिगोनसो खोमा जौनि बरफोरनि बिसि फिसाय खाना जानायफोरखौ नायोब्ला । माथो बुंनो नोंहा हाया, नों सिरि था होन्नाय बायदि । सेकेण्ड सेटारदे पर सेटारदे सानदे बायदि बायदि बन्द उमुकनि फोरलानि जोबनो गैयै बन्द बोसोरसेमानि । बेफोर बायदि बन्द दिनि समफ्राव बुंनोनो नांखालिया, टाइम पास खालामग्रा जोहोलाव फोरनि ओरै ज' हरे ज' ज'थुम लायनायफोरखौ बेसेदि नायनोसो जागोन ।

बेबादिनो बयबो लासै लासैनो सौफेजोबासै दिल महम्मदिनि नआव । बयनिबो सिलायाव एसे एसेब्लाबो दै लोमनाय दं जानांगौ । सोरहाबा बिदिनो बिघासे सोरहाबा आदा बिघा सोरहाबा फेथासेल लानाय हायावनो न' लुनानै राइजो जाफेदों जौनि गंगलाय नोगोरनि राइजोफोरा । हाजार हग टाउन खाथिनि हा जाबाय नालाय हानि बेसेनफोरा गोबांथारसै । गामिनि जिने बिघा हा फानब्लासो टाउननि हा फौवासेनि समान मोनो नागिरो । गावनि जायखि जाया जिनिसखौ एसेब्लाबो खहा जानाय नुयोब्ला बयबो इसे नड इसे सेन्टिमेन्ट जानांखथारो । थिक बिदिनो जानांगौ जौनि गंगलाय नोगोरनि बीर जोहोलाव बिथांमोनहाबो । दायआ बयहबो दं होन्जायोबो होन्जायाबो, बिखौ बुंन्ला बिनावबो नाडे बेखौ बुंन्ला गावखौबो बुंनय जायो । बयनिबो बयहाबो गोरोन्थियानो गोरोन्थि । माथो खालाम बावनो मिनिथावआ बोराबथवाया मानसिफोरखौलाय, अथ'सो गाव गावखौ गोरो रोंबाय होन्नानै दिन्थिनो सानग्रा बदलगफ्रा गारि गरा लानानैब्लाबो दैखरफोरनि दै गलांग्र नालाफोरनि सायावनो बाउनदारि अवाल लुनायफ्रा आंसो हादों होन्नाय बायदि जाथारो । जामफै ट्रेडन खालामनांगौ होन्नानै मिटिफोर जायोब्लाबोथ बिदिनोसै गावजों गाव खरसो गावब्लाया लयनो नागिरो । खोथा बाभ्राफोरावलाय रावखौबो बुजाय नांला, मिथिजोबखागौ बुजिजोबखागौ । अब्लाबो होन्नाय थाथारबावयो नाथाय सासे मानसिनो बेसेबां हा नांगौ होन्नाय सलआव थानाय लामाआव फाहमनि आखुफोरखौसो हानहरनांगौ जालाय लाडे एखनब्ला । बेबादिनो दिने हराव जौनि गामिनि बयबो ज' जानानै आलाइखुंघिनिथिं थानाय लामाआव जमा जाहैनानै थावथा हैनाय बान्दो बादि जानाय एम एल ए सन्मिलनाव थानाय लामाखौनो जावपलं हैथारगोन । बे समावनो बिथां मतिलालआ बुडसै नांथ' ला नडलै राइजोफोर एसे सान्नाय बावदो । माबाफोर रियेक्सनफोर जानो हागौ मिथि बायब्लाफोर लासिं सिं जुरिमानाफोरबो नांबाय बायनो हागौ । इसे सानबावदोब्रा रावखौफोर जाय खोथाखौ सोरबाफोर बुंन्ला हामसिगौ सान्नानै थाखानाय आंबो खुनु रोखोमैनो लोगो लाफादेरनानै बुंदेर फायासै अब्ला होनब्लासो जौनि गंगलाय नोगोरनि आफादगिरि थाइलेन्ड मागुरआबो हुस मोन्नाय बादि बुंनारासै र-र राइजोफोर एसे सिन्था खालाम बावदो होन्नानै । दानिया मा खालामनांगौ जाखो, उफाय नागिरदो राइजोफोर होन्नानै आफादगिरिआ बयनिबो गेजेराव हगारनानै होगारासै । बेदें बुदुं दावसि बासा सेलायनायफोर बायदि जि जि जात्राव बेसे खोनासंनोसो जाबाय दानिया गावजों गाव राइब्लायायफोरखौ । हरखाव आरो मुहरथ समावब्लाबो जौनि गामिनि गेजेराव सासे मोजां फलेन खयुदा थिसन्नो गोरो दंथारोलाया । दिल महम्मदजों खि एरख' लायग्रा सानैनिबो सान्नाया मोनसे देमाजोंनो बोहैलाडे । गोराजेंब्ला गोराजों थारजेंब्ला थारजों । आफादगिरिआबो मोजाडैनो मिथिखगौ नालाय बिथां खासेव बुंनोब्लाथाय बुंनोथार । बेनिखायनो मानाव गेदेत आफादगिरिआबो बेखौनो माबाफोर उफाय आरो थांखिफोर लानो खावलायासै । आर खुथि जाय जि बादि खासेव गाब्दा । कन्टेक्ट मवयो सिगाडव हा सिडवबो गोगोमैनो ओंखार बोखानाय । बेबादिनो खासेव गाब्दा बिथाडबो बिथोन मोनबाय जेला बुंनो सानबोनाय बाइदि बुंनलानो आरो बुजाय लानो हमारसै । दसे सिरि जाथलायथारबाय बयबो बिथां गाब्दानि बिखुंथि लाखिनाय बायदि बुंनयाव । आं सिगांनिफ्रायनो नोंथांमोनखौ बुंखाबोबाय थादोंन । मानो ड्रेईन थ्रेईन नांबाय थालायगौ होन्नानै । ओरैब्लाबो इसेबां दामनि हा टाउननि हा गरसे गरनेजों मोनाखै जों मानो लामानि थाखाय ट्रेडन गरखाय थारनोलाय हा हगारनांगौब्रा जौंलाय । बेनि बदले जौहा गोबां सुबिधा डडना । राइजोफोर ट्रेडनखौ जों खालामनाय स्टायल बेनि अनगा जों गाव गावनि दैखरफोरनि साखाथियाव गरखाय गोथौ गोथौ जावनानै लानायानो साबसिन आरो बेवहायनो जौनि गासिबो दुगैनायनि दैखौ हगार हरनो हागोन । इंधि खालाय ओंखाम खालाय बावनो गारस्थामनो हागोन लोगोसे थाइलेण्ड मागुरबो देरनो हागोन । बेबादिनो राइजो फोरजों गंसे जाख्राजोंनो खांखायबो मोनगोन गांजेमाबो मोनगोन । गोजोन्थों-नोंथांमोननि खासेव गाब्दा । आरो माथो बुंनोबो बेखौनोब्ला आखाय खबनायफ्रा सोरनाबा आखाय थारखायानो जाहाव लायथारदों जानांगौ । बेखौनो बयनिबो मदतजों गनायथि होनानै आफादगिरिआ जों बयखौबो बिदाय होयासै । सानबोबाय थाबायल' आं फावयारआव थायोब्ला गासिबोआनो थिक जाजोबो । जैरैहाय खासेव गाब्दानि बोसोन ।

## भारतनि सुबुंखान्थिनि जाफुंसारनायजों गोजोनै माखासे सुबुंफोरा गोसोम फोथा लागायनायनि बिबान लादों: मदि

गोदान दिल्ली, 19 मार्च :

गाहाइ मन्थि नरेन्द्र मदिआ शनिबाराव बुंदोंदि, हादतनि सुबुंखान्थि आरो बेनि फसंथानफोरनि जाफुंसारनाया माखासे सुबुंफोरा गोसोम आव जोखोम होदों। बेनिखान्थिनि बिसोरो हादतनि सुबुंखान्थिनि सायाव गाग्लोबनायनो थानों। गाहाइ मन्थिया सुबुंखान्थिनि सायाव गाग्लोबदों होन्नानै कं ग्रेसनि दैदेनगिरि राहुल गान्धीखौ थोंजोडे थांखिदों। मोनसे हाबाफारियाव बाहागो लानानै गावनि बिबुंथियाव गाहाइ मन्थिया बुंबावदोंदि, हादतआ जेव्ना फोथानायनो आरो थांखि मिजिफोरजों आबुं जायो आरो मुलुगनि मेलेमजिबिफोरा भारतखौ लानानै आसा लाखियो अब्ना गोसो बायनायनि बाश्ना, हादतखौ गात्रि रोखोमै दिन्थिनारो आरो हादतनि गोसोनि बोलोआव जोखोम खालामनायनि बाश्नाफोराबो ओंखारो। रावनिबो मुंखौ थांखिया जासे मदिआ बुंबावोदि, जेव्ना बबेबा शुभ खामानिया सोलिबाय थायो अब्ना काला टिका एवा नोजोर नाडेंनि



गोसोम फोथा थुनायनि आसार- खान्थि दड। बेनिखान्थिनो एसेबां गोबां शुभ खामानिफोरा जागासिनो दड अब्ना माखासे सुबुंफोरा बेवहाय गोसोम फोथा थुनायनि बिबानबो लादों। मख'जाथावदि, राहुल गान्धीआ कमभिजिआव दावबायहैनाय समाव भारतखौ लानानै जेना गोनां बिबुंथि होदोंमोन। बे आयदाखौ लानानै गाहाइ मन्थि मदिआ मुं थांखिया जासे फिन्जाथाइ होना बिबुंथि होदों। राहुल गान्धीनि बिबुंथिखौ लानानै बिजेपिआ माखासे सान सिगांनिफ्रायनो गोखों फिनजाथाय होबोदों आरो गुबुन

हादतआव थानानै आंगो हादतनि सोमोन्दैयै जेना गोनां बिबुंथि होनायनि थाखाय निमाहा बिनांगो होन्नाबो दाबि खालामबाय थानों। गाहाइ मन्थि मदिआ गावनि बिबुंथियाव बुंबावोदि, भारतआ मुलुगनो सुबुंखान्थिया गुबुनफोरखौ जेनानिफ्राय बोखानो हायो होना दिन्थिदों। बिथाडा गावनि फोथानायखौबो फोरमायदोंदि, बेबायदि गोसो गात्रि लानानै गाग्लोबनायनि गेजेरावबो भारतआ गावनि थांखिफोरखौ आबुं खालामनो थाखाय आवगायलांगोन। सिगां समाव गेना खान्थिया खौरांआव गाहाइ

आयदा जानानै थानोंमोन। नाथाय आधिखालाव बेफोरखौ नायबिजिरनायनि खौरांआ गोसारो होन्नाबो गाहाइ मन्थिया बेरेखा दोलोनि सायाव थांखिदों। गाहाइ मन्थिया बुंबावोदि, गासैबो सरकारनो गाव गावनि गोसोबायदि खामानि मावो आरो बिसोरो फिथाइखौबो मोनो। नाथाय बिथानि सरकारा फिथाइखौ हास्थायो आरो आलादा गोखैथिंजों आलादा थाखोआव खामानि मावो। आधिखालाव भारतआ मुलुगाव बयनिखुडो गोखैयै दावखोबोनाय रांखाथि जानो हाबाय।

## फरायसालियाव फरायसाफोरा बिगियान आरो सानखान्थियाव बिमा रावजों लोगोसे इंराजि रावखौबो मोनगोन

गोदान दिल्ली, 19 मार्च :

फरायसालिफोराव उन्दै फरायसाफोरनो गोदान माहारियारि सोलेंथाइ खान्थिनि गेजेरजों जागायजेनाय थाखोआव बिमानि राव एवा ओन्सोलारि रावजों सोलेंथाइ होनाय जागोन। नाथाय बिगियान आरो सानखान्थिनि सोलेंथायाव बिसोरो बिमानि राव एवा ओन्सोलारि रावजों लोगोसे इंराजि रावनिबो अप्सन मोनफागोन। गोदान सोलेंथाइ खान्थि बायदिदयै फरायसालिफोरनि थाखाय थियारि खालामगासिनो थानाय गोदान फराफरि (सेलेबास)खौ लानानै जाय गोदान बिजाबफोरखौ थियारि खालामनाय जागोन बेवहाय गोदान थांखि लानाय एवा बिमानि रावजों लोगोसे बिगियान आरो सानखान्थि आयदायाव इंराजि रावखौबो मोनफागोन। आधिखालाव सानखान्थि आरो बिगियान आयदानि बिजाबआव गोदान फराफरि थियारि खालामनायनि आन्देआव जाय सान्दांथि दड बेयो बे मोन्ने गाहाय



सोलेंथाइनि आयदाखौ इंराजिजों बांसिनै लोब्बा गोनां खालामनाय। बे मोन्नेबो आयदानि बांसिन सोदोबफोरनो इंराजिनि। मुलुगनाडै सुबुंफोरा इंराजि सोदोबजोंनो बांसिनै बुजिनो हायो। बेफोर आयदाखौ बिमा राव एवा ओन्सोलारि रावजों लोगोसे इंराजि रावजों उन्दैनिफ्रायनो सोलेंथाइनि गाहाइ आयदाफोरखौ सोलेंथाइ लालाडोब्ला इयुनाव गोरलैसिन जाहैनो नडाब्ला। मुलुगनां बादायलायनायाव एसेब्लाबो उन जालानो हागौ। जर'खा

बाश्नायावो बेबोदि, गोदान सोलेंथाइ खान्थियाव बे आयदानि लोब्बायै आर'ज गाबनाय आरो अजद होनायबो जादों। फरायसाफोरा बिमा रावजों सोलेंथाइ लानानै गोरों-गोरा जानायजों लोगोसे इंराजि रावजों उन्दैनिफ्रायनो सोलेंथाइनि गाहाइ आयदाफोरखौ सोलेंथाइ लालाडोब्ला इयुनाव गोरलैसिन जाहैनो हागौ होन्नाबो बुंजाय जादों। एनसिइआरटिजों लोब्बा थानाय जर'खागिरिफोरनि

बायदिब्ला, बिगियान आरो सानखान्थि बायदि आयदाफोरखौ बिमानि राव एवा ओन्सोलारि रावजों लोगोसे इंराजिआवबो होफालाडोब्ला फरायसाफोरा बेखौ साबसिनै बुजिनो हागोन। लोगोसेनो रावनि अप्सन थानायव फरायसाफोरा साबसिनै बुजिनो हागोन आरो मोजाडै दिन्थिफुनोबो हागोन। बेबायदिनो गोदान फराफरिनि बिजाबफोरखौ बिमा रावजों लोगोसे इंराजि राव होफानानै थियारि खालामनाय जागोन।

## डनाल्ड ट्राम्पखौ हमोब्ला 2024 नि बिसायख'थियाव

### बिथाडा देरहागोन: एलन मार्क

वाशिंगटन, 19 मार्च:

आमेरिकानि बार्ग हादतगिरि डनाल्ड ट्राम्पआ हमजानायनि लामायव दड। ट्राम्पनि सायाव एडाल्ट स्टार स्टार्मी डेनिथालसनो गावसोरनि सोमोन्देखौ दोनखोमानो एवा सिरिये थानो थाखाय कौटिकौटि रां होनायनि केस दड। बिजिरसालिनि जुरिया बे के सखौ नायबिजिरगासिनो दड। बेनि गेजेरावनो सशेल नेटवार्क टुथनि सायाव ट्राम्पआ गावखौ मंगलबाराव एमरेस्ट खालामगोन होन्ना गोखों दाबि



दैखदों। बेनि हेंथायै ट्राम्पआ गावनि हेफाजाबगिरिफोरखौ धर्ना खालामनो खालायदों। बेनि गेजेराव स्पेसएक्स आरो टुडटारनि सिइअ एलन

मास्कआ मोनसे गिदिर दाबि दैखदों। बार्ग' हादतगिरि ट्राम्पखौ हमोब्ला, 2024 नि जानो गोनां बिसायख'थियाव ट्राम्पआ गिदिर देरहासाद

मोनगोन होन्ना मास्कआ बुंदों। मख'जाथावदि, ट्राम्पआ सशेल नेटवार्क टुथआव रिपब्लिकान बिजाथि आरो आमेरिकानि बार्ग' हादतगिरिखौ फेगौ सप्तहाहनि मंगलबाराव हमगोन होन्ना लिस्नानै गावनि हेफाजाबगिरिफोरखौ बेनि बेरेखा खालामनो खालायो। ट्राम्पआ टुथ सशेल मिडियाआव शेयार खालामनाय मोनसे पस्टआव लिस्नानै, मेनहाट्टन डिस्ट्रिक्ट आरो अफिसनिफ्राय आयेन बेरेखा लिंक जानायनिफ्राय गावखौ

मंगलबाराव एरेस्ट खालामनो हागौ होन्ना इसारा मोनो। बिथाडा गावनि हेफाजाबगिरिफोरखौ बेनि हेंथा धर्ना खालामना हादतखौ सिगांनि थासारियाव लाबोनो हांखायदों। मख'जाथावदि, आधिखालाव मेनहाट्टन डिस्ट्रिक्ट अटर्नीआ ट्राम्पनि केसखौ नायबिजिरगासिनो दड। 2016 आव हादतगिरि बिसायख'थिनि केम्पेननि समाव सासे एडाल्ट स्टारनो जेना गोनाडै गावसोरनि सोमोन्देखौ लाना सिरिये थानायनि थाखाय कौटिकौटि रां होमारदोंमोन नामा बेखौ नायबिजिरदों। फासैथिं ट्राम्पआ 2024 नि हादतगिरि बि सायख'थियाव रिपब्लिकाननि बिजाथि गसंनो थाखाय केम्पेनखौ गावखौ दायनिगिरि होन्ना बुंदोब्लाबो सोलिहोलानो खोथा होदों।

## गोजाम पेन्सन, ग्रेसुइटिनि दाबि खालामदों आजिरा मोन्नाय फोरोंगिरि-मावसुमा आफादआ

गसाइगाव, 19 मार्च:

रइज्योआव थानाय 2013 माइथायाव सांखि सरकारि जानाय फोरोंगिरि-मावसुमाफोरनो आइन बेरेखायै एनपिएसनि सिडाव लाबोनानै मासिखौ सरकारि खालामनायनि थाखाय आजिरा मोन्नायनि उनाव बिसोर फोरोंगिरि-मावसुमाफोरा आंखालाव गोलैनादों। नख'रनि सोद्रोमाफोरखौ बेराम जानाय समाव फाहामथाय होनो हायै, गथ'फोरखौ गोजौ सोलेंथाय होनो हायै जेना-जेसिफोरजों मोगा-मोगि जानानै थानादों। 28/30 बोसोर समनाडै दान बान्था गैयालासे फोरोंगिरि हाबा मावना सिबिथाय होनायनि उनाव गोदान पेन्सन नेमखान्थिनि सिडाव लाबोनानै मासिखौ सरकारि खालामजानाय बिसोर फोरोंगिरि-मावसुमाफोरा बोसोरसे-बोसोरसैनि उनाव आजिरा मोनफैयो। नाथाय आजिरा मोन्नाय बादिदयै ग्रेसुइटि एवा पेन्सन होनाय थाइसेबो रां मोनाखे होन्नानै गांसे रादाव बिबुंसारआव फोरमायदों दुलाराय आसाम गुदि आजिरा मोन्नाय फोरोंगिरि-मावसुमा आफादनि

कक्राझार जिल्ला आफादआ। रादाव बिबुंसारआव आरोबाव फोरमायथिदोंदि, 2013 माइथायाव सरकारि जानाय फरायसालिफोराव 2013 माइथायनि सिगाडाव लान्थियै 10 बोसोरनाडै हाबा मावनाय फोरोंगिरिफोरनि मासिखौसो सरकारि खालामनाय जादों। दुलाराय आसाम आजिरा मोन्नाय गुदि फोरोंगिरि-मावसुमाफोरनि कक्राझार जिल्ला आफादनि आफादगिरि सातेस्वर ब्रह्म, नेहाथारि जगदिश चन्द्र शर्मा मोनहा मुंसाइनाय रादाव बिबुंसारआव मख'नाय बादिदयै 2000 माइथायनि 10/12 बोसोर सिगाडाववो फरायसालिफोर सरकारि महरें गनायथिजादों। लोगोसे मासिफोरखौबो बिफानारि महरें गनायथि होदों। गोबां फोरोंगिरिफोर 2000 माइथायनि सिगाडाववो बिफानारि महरें स्टाइपेन मोन्दों। सार्थिस बुकआव फरायसालिफोरनि सामलाय आफादआ थिसन्नाय अकटनिफ्राय बिफानारि महयव गनायथिनाय बादिदयै हाबजेनाय अकटनिफ्राय थिसन्नाय विलाइखौ गथायनाय जादों।

रादाव बिबुंसारआव बिथामोनहा दुखु फोरमायनानै बुंदोंदि, फासैथिं 2013 माइथायनिफ्राय सरकारि जागासिनो दड। गुबुन फासै फोरोंगिरि-मावसुमाफोरा आजिरा मोन्नाय जागायजेनबाय थैवब्लाबो बिबोर फोरोंगिरि-मावसुमाफोरा गोजाम पेन्सन, ग्रेसुइटिनि खाबुनिफ्राय मानो जानगास्वआव थानो गोनां जादों होन्नानै सौलु दैखदों। मख'नो गोनांदि, गिबि मन्थि ङ हिमन्त बिश्व शर्माखौ बेनि सोमोन्दै माखासे खेब लोगो हमनानै मख'नाय दाबिफोरनि सोमोन्देआव सावरायलायदोब्लाबो आधिखालसिमाव खामानिनि बिथिडाव फिथाइ गोनां जायैआव दुखु फोरमायदों। फासैथिं आजिरा मोन्नाय बांसिनथार फोरोंगिरि-मावसुमाफोरनि थासारिआ दैयाव हांसो सान्स्नो हायैबादि जादों होन्ना मख'नानै थाबैनो गोजाम पेन्सन, ग्रेसुइटिनि खाबु गथायनायनि बिथिडाव नांगौबादि राहा लानायनि दाबि खालामदों दैदेनगिरि आफादआ।

मंगलबाराव एरेस्ट खालामनो हागौ होन्ना इसारा मोनो। बिथाडा गावनि हेफाजाबगिरिफोरखौ बेनि हेंथा धर्ना खालामना हादतखौ सिगांनि थासारियाव लाबोनो हांखायदों। मख'जाथावदि, आधिखालाव मेनहाट्टन डिस्ट्रिक्ट अटर्नीआ ट्राम्पनि केसखौ नायबिजिरगासिनो दड। 2016 आव हादतगिरि बिसायख'थिनि केम्पेननि समाव सासे एडाल्ट स्टारनो जेना गोनाडै गावसोरनि सोमोन्देखौ लाना सिरिये थानायनि थाखाय कौटिकौटि रां होमारदोंमोन नामा बेखौ नायबिजिरदों। फासैथिं ट्राम्पआ 2024 नि हादतगिरि बि सायख'थियाव रिपब्लिकाननि बिजाथि गसंनो थाखाय केम्पेनखौ गावखौ दायनिगिरि होन्ना बुंदोब्लाबो सोलिहोलानो खोथा होदों।

## दिल्ली-इउपिजों लोगोसे हादतनि माखासे राइज्योफोराव अखा हादों

गोदान दिल्ली, 19 मार्च:

सा-भारतआव बोथोर सोलायदों। माखासे राइज्योफोराव अखाजों लोगोसे सार-अन्थाइबो गोरलैदों, जायजों गोबां फसलफोर आरो थाइजौ-लिसुनि बिबारफोरा ख'हा जागोननि सन्देह दड। बोथोर बिफानआ थानाय 24 घन्टासिमाव माखासे राइज्योफोराव जोमै साग्लोबनाय आरो गोबां अखा हागोननि सन्देह खालामदों। जाय राइज्योफोराव रबिबारखालि अखा हागोननि सन्देह दड, बेयाव जम्मु-काश्मीर, लाहाइ, उत्तर प्रदेश, मध्य प्रदेश, तेलंगाना, अन्ध्र प्रदेश, उत्तराखान्ड, हिमाचल प्रदेश आरो तामिलनाडुआ दंफादेरो। बेनि अनगायै पान्जाव, महाराष्ट्र, हरियाणा, गुजराट, राजस्नान, केरेला आरो कर्नाटकआव मोनसे-मोने जायाफोराव गोबां



अखा हागोननि सन्देह दड। फासैथिं सा-सान्जा राइज्यो नागालेन्ड, सिक्किम, मणिपुर, मिजराय, त्रिपुरा आरो अरुणाचल प्रदेशजों लोगोसे बिहार, सोनाब बंग, झारखान्ड, उरिष्ठा आरो छत्तीसगडआवबो अखा खोरेमनायजों लोगोसे गोबां अखा हागोननि सन्देह दड। बोथोर बिफाननि बायदिब्ला 20 मार्चआवबो पान्जाव, हरियाणा, दिल्ली, उत्तर प्रदेश, चन्डीगडआव

राजत्सानआव गोबां बारहावा बारनायजों लोगोसे बेबाहायबा सरानस्ना आरो बेबायबा गेजेर थाखोनि अखा हानो हागौ। उत्तराखान्ड आरो हिमाचल प्रदेशआव सार-अन्थाइ गोरलैनो हागौ। उत्तराखान्डआव बोथोरनि थासारिया सोलायदों। बेवहाय सानसेनि गेजेरावनो अखा हानायनि रिक्ड थिसन्दों। मर्चआवबो पान्जाव, हरियाणा, बद्रिनाथ-केदारनाथजों लोगोसे गोजौ बाहागोफोराव बरफ आरो

गाहाइ ओन्सोलफोराव सार-अन्थाइ गोरलैदों। दिनैबो हाजो ओन्सोलाव सरानस्ना अखा आरो बरफ गोरलैगोननि सन्देह दड। माखासे शहरफोरनि बिदुआव 8-10 डिग्री जिल्लायाव येल, एलार्ट फोसावदों। हिमाचल प्रदेशआव गोलाव फारागथिनि उनाव अखाजों आबादारिफोर रेहाय मोन्दों। माखासे ओन्सोलफोरव अखाया सुक्रबनिफ्राय सोलिनानै शनिबारावबो हादों।

## नाडलभाडायव धोरोमारि बाडाइ सानखो आफादनि चिरां जिल्ला आफादया थान्दै मेल खुदों

बासुगाव, 19 मार्च:

चिरां जिल्लानि नाडलभाडायव धोरोमारि बाडाइ सानखो आफाद आरएमसिनि चिरां जिल्ला आफादनि 13 थि थान्दै मेलखौ मिरु आफादनि आफादगिरि आबुल आवाल मन्दलनि नुजाथिनायाव खुंनाय जायो। बे थान्दै मेलव आरएमसिनि चिरां जिल्ला आफादनि सिडाव थानाय मोन 6 दखरा आफादनि नुजाथिनायाव थान्दै मेलनि गेजेरजों चिरां जिल्ला आरएमसिनि गोजाम आफादखौ सिमफायनानै गोदान आफादखौ दाकुंनय जायो। बे मेलव सातिपुरनि गाजिबर रहमानखौ आफादगिरि, नाडलभाडानि रफिकुल इस्लामखौ

नेहाथारि महरें लानानै गासै सा 31 सोद्रोमानि मोनसे गोहो गोरा जिल्ला आफादखौ दाकुंनय जायो। दिनैनि बे थान्दै मेलव बिटिसिनि हाग्रा बिफाननि मावफुं सोद्रोमा रन्जित बसुमतारिया गाहाइ आलासि महरें बाहागो लानानै बुडोदि, आरएमसि आफादयया धोरोमासि बाडाइ सानखो राइजो-राजाफोरनि थाखायल' खामानि मावाखै, बिटिसिनि गाहाइ मावफुं सोद्रोमा प्रमद बर'जों गसंफानानै लोगोसे बिटिआरनि गासैबो हारि-माहारिनि जानानै खामानि मावबोदों होन्नानै बिथाडा फोरमायो।

नेहाथारि महरें लानानै गासै सा 31 सोद्रोमानि मोनसे गोहो गोरा जिल्ला आफादखौ दाकुंनय जायो। दिनैनि बे थान्दै मेलव बिटिसिनि हाग्रा बिफाननि मावफुं सोद्रोमा रन्जित बसुमतारिया गाहाइ आलासि महरें बाहागो लानानै बुडोदि, आरएमसि आफादयया धोरोमासि बाडाइ सानखो राइजो-राजाफोरनि थाखायल' खामानि मावाखै, बिटिसिनि गाहाइ मावफुं सोद्रोमा प्रमद बर'जों गसंफानानै लोगोसे बिटिआरनि गासैबो हारि-माहारिनि जानानै खामानि मावबोदों होन्नानै बिथाडा फोरमायो।

## बिमुं सोरजिनो हानाय मुलुगनि समाइनासिन गंवा उरां गाथोन

स्काइट्रेक्स वर्ल्ड एयरपोर्ट एवार्ड 2023 खौ फोसावखानाय जाबाय, जेवाय मुलुगनि साबसिन उरां गाथोननि सोमोन्दैयै फोरमायनाय जादों। बे खेबआव सिंगापुरआ साबसिन हामसिन उरां गाथोननि बिमुंखौ गावनि मुं खालामनो हादों। सिगां बोसोराव बे बिमुंखौ दहानि उरां गाथोना मोनो हादोंमोन। सिंगापुरनि सांगि उरां गाथोनआ देगलायनि साबसिन उरां गाथोननि बिमुंखौ



मोनो हादों। मुलुगनि बयनिखुइबो समाइनासिन उरां गाथोनफोर जाय बिमुं देरहानायाव जाफुंसारनो हादों बेफोर जाबाय-

1. स्काइट्रेक्स वर्ल्ड एयरपोर्ट एवार्ड 2023 नि बायदिव्ला गिबिसिन नम्बरआव सिंगापुरनि सांगि उरां गाथोनआ सेथि मासि आवग्रिनो हादों। बे उरां गाथोनखौ मुलुगनि बयनिखुइबो समाइनासिन उरां गाथोन होन्ना बुनाय जादों। सांगि उरां गाथोनआ दहानि हम्द हरिमायारि



उरां गाथोनखौ उनाव दोनानै सेथि मासि आवग्रिनो हादों।  
2. हम्द हरिमायारि उरां गाथोनआ नैथि मासियाव जायगा आवग्रिनायाव जाफुंसारो। बे उरां गाथोननि जोगाखानायनि आन्दोआव काटार एयारवेसनि आखाय दड। बेनि थाखाय सरकार नेसनेल

## सिनायथि जौनि गामि

-बुद्धिराम बसुमतारी  
दक्षिण बरगंगा (दियाबारी)  
कार्बि आंलं।

दक्षिण बरगंगा जौनि गामिनि मुं जायखौ दियाबारि मुंजोबो सिनायो

कार्बि आंलंनि दकमका नोगोरनि खोलाहा  
4 कि:मि: जानगाराव थानाय बर' गामि।

गामिनि हाबजेननायावनो दं गोथार  
बर'नि धोराम बाथौ थानसालि

बेयावनो दंफायो "माइनाव गारजा"  
होग्रा गोथार गारजा थानसालि

बेजोंनो लोगोसे नुनो मोनबावो  
गामियाव दै जगायग्रा दैन टँखि

बेनो जौनि गामिनि हाबजेननाय  
गुबै सिनायथि जौनि गामि।

बे गामियावनो गंसे नखराव आंनि जोनोम  
बेयावनो देरबोदों आं आलो आलो

बर' नि गासै फोबोफोर जेरावबो  
लायो जौं लैहोर लैहोर बाहागो।

बर' हरिनि बयनिखुइबो देरसिन  
रंजालि बैसागु फोबोखौ जौं बरायो

रंजा-बाजा खालामो ज' ज' थै  
बिमा-बिफा बोराइ-बेन्थ' सेंग्रा-सिख्ला

बेनि उनावनो आबाद थिलियाव  
बयबो मुखुव जायो गावखौनो बावसोमो।

जौंहा दंजायो बर' हरिनि नेम-खान्थि  
बायदियै गोथै सावग्रा जायगा गोथेसालि।

दं जौंहा नायल'-जाल' गंसेल'  
बर' बिजों गुदि फरायसालि

बेनिफ्रायनो जगायो जौं गामिनि  
बर' बिजोंआव सोलेंथाइ लानाय

बे फरायसालिनि बेन्दोंआवनो लोगोसे  
दंफायो गामिनि गोथार आइ बिमा लक्ष्मी मन्दिर।

बेनो जौनि गामिनि गुबै सिनायथि  
बेयावनो दं जौं रंजा बाजा आलो आलो।



केरियार एन्ड एयरपोर्टआव गोबां रं इन्भेस्ट खालामदोंमोन।

3. जापाननि राजथावनि टकिय'आव थानाय हेन्डा उरां गाथोनआ स्काइट्रेक्स वर्ल्ड एयरपोर्ट एवार्ड 2023 आव थामथि जायगा आवग्रिदों। बे उरां गाथोनखौ सुबिधाफोरनि बिथिआव ग्रेटार टकिय'नि बयनिखुइबो साबसिन उरां गाथोन होन्ना गनायदों।

4. खोला करियानि इन्सियन हरिमायारि उरां गाथोनआ फारिलाइनि



ब्रैथि मासियाव जायगा मोन्दों, बियो खोला करियानि बयनिखुइबो देरसिन उरां गाथोन। आथिखालाव बेखौ मुलुगनि बयनिखुइबो साबसिन उरां गाथोनफोरनि गेजेराव सानफानाय जायो।

5. फ्रान्सनि राजथावनि पेरिसनि चार्ल्स डि गौल उरां गाथोनआ बे रेंकिआव बाथि मासि आवग्रिनो हादों। 2023 नि मुलुगनि साबसिन उरां गाथोनफोरनि फारिलाइआव जायगा आवग्रिनानै गावनि समाइना आरो साबसिन हामसिन सुबिधा थानायखौ फोरमान होदों।



## "नों नुनाय बादि आं बिदियैनो थागोन"

नों नुनाय बादि आं बिदियैनो थागोन  
आरो नौनि अननायखौ आं जोथोनै दोनगोन  
नौनि आंनि मोनसे गोरबोआ  
हां थाजासिम जुदा जानो हाया  
मानोना आं नुनाय सिमांखौ फोथैनो लुबैया!  
हर आरो साननि गेजेरजों बारलानाय  
माखासे गोसोथोनयनि मदिरा  
आराव जायो मोखथांआव!  
महर होनो नाजानाय  
गोसो थोनयनि हाबिलास  
मेगन गोसानि फाखनाव आन्दयोब्ला  
आं थावरिना थानो हानाय नख  
बिखा खामनाय आरो मोदै गनायनि अनगायै  
आं राहा गोथे जाना सिरियै थानांगोन!  
मांखरनि खोथाखौ आं खुगायाव लाबोआ  
मानोना आं सिरियै हांथिनो लुगैयो  
नौनि अननायखौ लानानैनो,  
बेनिखायनो आं गोसो थोनय सिमांखौ  
हां थाजासिम फोथैनो लुगैया  
मानोना!मानोना आं  
नौनि बिखा आरो नौनि थायनै मेगनखौ  
जेब्लाबो मोननो हास्थायो।

अनजालि सर्सिंवगारी  
बाक्सा

## बै समनि बुलांनय दिन

गोसोनि बाना दैया बोदोयलांबाइ  
गोसोनि साननायाव।  
बोदोय लाडो नौं जेबलाइबो आंनि  
मेगनि नोजेराव।  
दसे समबो गैया नामा नौनि राव  
गोदै बुनाय फाव  
बोदोयनाय दैया आंखौ बुंहरो  
दैसानि सेराव जनानै  
मा सान्दो आदा आं बाउगादाउनै  
खानानै बिनि फिनखौ  
बुहरनो सानो अब्लानो सोनाबथिनिफ्राय  
मा गिथाव बाथाव बारनि  
बार बारनायाव आंनि फोरमाय  
हरनाय राव बाथ्राया बारजों  
उराय लाडो।  
दैसानि दैया आंनि राव

## रंजालि गथ'फोरनि सौरा

### जावजा खन्थाइ

नौथानि खन्थाइ सोरजिथि  
गोथौ दिखारनि फोरमायथि

जिउनि गोरबोनि हाबिला  
जागोन नामा आला माला

नै बे दाननि मिजिं आसा  
जागोन नामा - हांमा हांसा

जौमोनफोरनि गोरबो सोलेर  
बिलिर फैयो फागुन बोथोर

खामानि मावनांगो गाला  
थाखा-फैसा नांगोबोला

जिउ लिरथिखौ गोसो थोना  
बिबुंथि लिरथि बिलायना

थुलुंगाखां होनाय थाखाय  
नौथानो साबायखर बावबाय

सुमलि बिबार, मानदार बिबार  
बेसेदि महर गोसाथार

लिरगिरिफोरा बेखौनो  
गोसो थोयो खन्थाइ रेबनो

हावार सानस्त्रि दं जायनियाव  
हावार गोरबो दं बिनियाव

जिउनि गोरबोनि मिजिउ  
जानांबाय माथो जाफुउ

साला गालाया फाफलि अर  
गैमारा गोरबोनि दिखार

बयबो सुबुं जाखा थारगोन  
सानसेबाबो खर' गोमोन

बोहेथि दैमा बादिनो  
मिजिनाय दं खन्थाइ रेबनो

बिफांनि बिलाइ सिरिबाय  
फागुन दाना बिलिर फैबाय

अखा नांगो जादों अखा  
थाजिमनो मिथिगा बिखा

रानस्त्राव बोथोर रानस्त्राव बोथोर  
जात्रिसे अखा गोनांथार

जिउनि गिबि गोसो थोनाय  
बिमा बिफाया बुंसोबाय

नौंहा साख्रि दं ना गैया  
गैयाबाथाय आं हरखाया

आंनि सासे फिसा हिनजाव  
हरबाथाय गैला नख'राव

नायथायनाय नांथारगौ आंनो  
जिउखां राहा थानायखौनो

बिफाडव बानानै हनै  
खौंओ खौंओ होनै होनै

खौंओ दाउवा गाबफैलायबाय  
उदां बोथोर बिलिर फैबाय

जेरावनो थाडो बेयावनो  
खौंओ दाउनि दँखो मोनो

नौंसानि फिसाला जौमोन  
मा एसे रागानि दैथुन

बुनायखौ खोनानो मोनोयलाय  
एखनब्ला दैसानि रुगुनि  
हाब्रांखौ गुग्रब गिसि गाहोयो।  
अब्ला आं गोसोआव सानखानाय  
फैबाय जे आंनि रावखौ दैसा  
बोदायलानाय खोना मोनाखौ  
बिनिखायनो आं सानस्त्रिनो ब्रे आं  
बुलानाय बाथ्राया बेसेबांवा  
समायनामोनदा आं बादा मोनबावनो

मुसि सुदेम बरगयारि  
ला:सो: -उत्तर रुणीखटा  
जिला-बिरां, बिटिपुडि, आसाम,

नों अखाया हानाय थाखाय  
मिथिगा बिखा थाजिमबाय

आथोर बिलियाव नौनिफ्राय  
आगदा आखाइ मोना जाबाय

नौनि मुउ जेरै गंग्रा  
नों दै गुदुंजों मै होग्रा

हावार सानस्त्रि हावार गोरबो  
बिनोथ'अनो बयखौबो

मुउ जेरै नौनि जिजि  
खामानियाव आखाइ मिजि

नौनि मुउ जेरै गालर  
दंमारो नौंहाय जरदार

मुउ जेरै रेबनगिरि  
सानसेयारि खन्थाइगिरि

नों आदानि लिरथियावनो  
रेबग्राया थुलुगा मोनो

नौथानि खन्थाइ सुजुथि  
अखां बादिनो हावारथि

फरायनानै थाजिम मोनबाय  
नौथानि खन्थाइ सोरजिनाय

नौबो आंबो खन्थाइ रेबग्रा  
गोरबोनि सानथौ फोरमायग्रा

दा फागुन बैसोनि गोरबो  
जायो उरां फरां बयबो

नों फागुनि बार मोनना  
थानो नाड रजे बिरना

नौनि जिउवा दोंसे मेथाइ  
नौनि जिउवा दोंसे खन्थाइ

नायथायनाय मेथाइ खन्थाइ लिर  
थाजिमनाय ला अराय बोथोर

नों गैयाबोला मुलुगा  
खोमसि जागौमोन मुलुगा

नोंखौ बिखा गोनां होनना  
सानसे बुदोंमोन जौमोना

आसि थाइसे सुबुं होनना  
गुसथि फेनजाबाय जौमोना

बिखा हावार जायनो जागोन  
गाहाम सुबुं होनना बुंगोन

मुउ जेरै नौनि गालर  
खामानियाव मोदोम गिलिर

जौं जाबाय खन्थाइ रेबगिरि  
जौंखौ बुडो सानथौगिरि

जाय गोरबो बिगियानगिरि  
गुमुर मोनो गोरबोयारि

खायफा सुबुंनि सानथौमा  
थायोलाय माथो जोरेमा

नों खन्थाइ रेबनो अराय सम  
गोरबोनि लैथोयाव गोजोम

जिउ हानथिनाय लामा लामा  
मोनलांबाय थादों जोरेमा

सानस्त्रिखौ खालामदो बयबो  
अखां बादि अरसार गोरबो

सिथोर बाथोर नौनि गोरबो  
गुमुर मोनबाय आं अरायबो

खाराव माराव बहा थानो  
सोलाब लायि रायदाव लानो

-रैदोम बर',  
माजदिया, बगुलामारि, बाक्सा

# गुवाहाटी प्रेस क्लबआ सनाथि माइथाय फोर्बोनि बेखेवनाय हाबाफारि खुंगोन

गुवाहाटी, 19 मार्च: जातिमिनारि गुवाहाटी प्रेस क्लबनि सनाथि माइथाय फोर्बोनि बेखेवनाय हाबाफारिखौ 20 मार्चखालि गुवाहाटी शंकरदेब कलाक्षेत्रनि श्रीमन्त शंकरदेब हारिमयायारि मेल जथुमसालिआव खुंगोन। फु'बिलि समाव प्रेस क्लबनि फिर्फिला बिरहोनाय, बेलासिनि 4.00 रिगायाव बेखेवनाय मेल खुंनाय जागोन। राइज्योनि सा 50 गागि खौरांगिरिफोरा गं 50 आलारि बाथि फोर्बोनाय बे हाबाफारिखौ बेखेवनाय हेगोन। गागि खौरांगिरिफोरा प्रेस क्लबनिफ्राय जर'खा बराय मान बाउनाय जागोन। बेखेवनाय हाबाफारिआव राइज्योनि गिबि मन्थि ड० हिमन्त बिश्व शर्मा, फोर्मायथि आरो सुबुं फोर्नाजाब मन्थि पिपुय हाजिरिका, राइज्योयारि फोरमायथि कमिसनर ड० समुद्रगुप्त काश्यप आरो बांलादेशनि लोगो हाइ कमिसनर रहल आमिनआ बाहागो लागोन। सनाथि माइथाय फोर्बोनि लोब्बा लानाने गुवाहाटी प्रेस क्लबआ राइज्योनि सा 4 गागि खौरांगिरिफोरा मन्थि प्रफुल्ल गबिन्द बरुवा, धीरेन्द्र नाथ बेजबरुवा, अनिल बरुवा आरो कनकसेन डेकामोनो जिउना साथी बान्था गथायगोन। बे हाबाफारिआवने

सनाथि माइथाय फोर्बोनि गोसोखां लाइसि स्वर्निल मुनि बिजाबखौ बेखेवगोन। राइज्यो सरकारआ गुवाहाटी प्रेस क्लबनि थाखाय गथायनाय हायाव प्रेस क्लबनि अरयथा न'नि अन्थाय खाम्फाखौबो गायसनगोन। लोगोसे बेखेवनाय जागोन खौरांगिरिफोर्बोनि फिसाफोरनि थाखाय आजावनाने लानाय जर'खा बिथांखि-गिफ्ट ए चाल्डइ इडुकेशन। मोनाबिलिनि 6.30 रिगायाव जर'खा फावखुंगि मलया गस्वामीआ हारिमुयारि हाबाफारिखौ बेखेवनाय हेगोन। हारिमुयारि हाबाफारिआव देखोगिरिफोर फारियै-जुबिन गार्ग, खगेन गौ, बिद्यासागर, प्रियंका भयल, दिपलना डेका, रुपम भुजा, पद्मनाभ, संकुरज, नाहित आफ्रिनमोनहा देखो रोजाबनायजो लोगोसे गुवाहाटीआव हाबा मावबाय थानाय खौरांगिरिफोराबो हारिमुयारि हाबाफारि दिन्थिगोन। सनाथि माइथाय फोर्बोनि बे बेखेवनाय हाबाफारिआव साफ्रोमबो खौरांगिरि आरो खौरां मावफारियाफोरजो लोगोसे अन्सायगिरिफोर्बोनि हे फाजाबनि आर'ज खालामदो गुवाहाटी प्रेस क्लबनि आफादगिरि मनज कुमार नाथ आरो गाहाइ नेहाथारि सन्जय रायमोनहा।

# राइज्योआरि सावथुन बान्था गथायनायनि गोरोन्थि जानायाव हारिमु अन्साइ बिफानखौ सोलाय-सोल' खालामदो

दिसपुर, 19 मार्च: राइज्योनि हारिमु बिथोनगिरि मावख'आ मख'जाथाव आरिमुगिरिफोरसो गथायनाय चेक बाउन्स जानाय जाथाय आधिखालाव सावरायजागारिसोनो दड। लाजिनांथाव जाथाय सरसनन्ना सुबुंफोरनि गेजेराव आरो हारिमु बिथिनि आरिमुगिरिफोरनि गेजेराव'लि फिनजाथाइ सोरजियाखे। बे आयदायाव सरकारनि इसिखरि खोलोबआवबो फिनजाथाइ सोमजिदो। मोनसे सरकारि बिफानआ जर'खा देखोगिरिसो चेक बाउन्स गथायनाय समाव आखाय होदो आसामनि राइज्यो बेंगिरिआ। सनिबाखालि राइज्यो बेंगिरिगुलाव चान्द काटरियानि बिथोन होनाय बायदिथे आसाम सरकारनि मावसुमा बिफानआ फोसावनाय मोनसे बिथोननि गेजेराव हारिमु अन्साइ बिफानआव लेखइ महरे सार्निने नेहाथारिनो बिबान गथायनाय जायो। बेबायदिनो लेबर अन्साइ बिफाननि गाहाइ नेहाथारि बिर कल्यान चक्रवर्तिनो लेखइ हारिमु अन्साइ बिफानआव गाहाइ नेहाथारि बिबान गथायनाय जायो। बेनि अनगायैबे रंखाथि, हारिमु अन्साइ आरो बिगियान बिरांदामिन सोलंथाइ बिफाननि नेहाथारि लया माधुरिखौ हारिमु अन्साइ बिफाननि

बिबाननिफ्राय दोन्थ'नाय जादो। गुबुन फारसे आसाम रादाय मावफुं बिफाननि जर'खा नेहाथारि अशक बर्मनखौ लेखइ हारिमु अन्साइ बिफाननि जर'खा नेहाथारि महरे बिबान गथायनाय जायो। मख'नो गोनादि, थानाय 13 मार्चआव

गुवाहाटीनि श्रीमन्त शंकरदेब कलाक्षेत्रआव 8थि आसाम राइज्योआरि सावथुन बान्था गथायदोमोन। आसाम सरकारनि हारिमु बिफानआ गथायनाय वे बान्थाखौ होनायनि उवनानो गोबां दावराव-दावसि सोमजिदोमोन।

## लिभारपुलनि मिडफिल्डार लिभाया गेलेनायनिफ्राय आजिरा लाबाय

लिभारपुल, 19 मार्च: ब्राजिल, लिभारपुल आरो लाजिय'नि बारा' मिडफिल्डार 36 बोसोरनि लुकाय लिभाया सम बायदिथे देहायारि जेनायि जाउनाव नायबिजिजानायाव बिखानि बेरामखौ मिबिथिनारनि उनाव फुटबलनिफ्राय आजिरा लानो फोसावनाय। बिथाइ ब्राजिलनि क्लब ग्रैयि'आव खुंनाय मोनसे प्रेस मिडनि समाव गावनि थांखि लानायखौ फोसावदो। लिभाया 2005 आव बे क्लबजो गवनि गेलेनाय केरियारखौ जागायदोमोन आरो बे क्लबनिफ्रायनो बिथाइ गावनि गेलेनाय केरियारखौ फोर्बोबनायनि थांखि लाबाय। बिथाइ 2007 निफ्राय 2017 नि गेजेराव लिभारपुलनि जाना गेलेदोमोन आरो 20012 आव इंग्लिस प्रिमियर लीगयाव देहानाय समाव टीमयाव गोबां बिहोमा होदोमोन। लिभाया खेबबा सिजननि थाखाय लाजिय'आव बाहागो जादोमोन आरो 2019 आव बिथानि बाहागो जानायावनो टीमआ इटलीयान काप देहदोमोन। डिफेन्डि मिडफिल्डार लिभाया थानाय बोसोरव प्रेमिय'आव फेफेन्दो। बिथाइ 2007-13 नि गेजेराव ब्राजिलनि जानानेबो खेब 24 मेच गेलेदो। प्रेस मिडनि समाव लिभाया गावनि केरियारखौ फोर्बोबनायनि थांखि लानायखौ फोर्मायनाने गावनि सानाय बायदिथे थांखि लानाय जायैखौ फोरमायो। बिथाइ गावनि देहानि थासाखौ फोरमायना बेखौ सोलायना लाबोनो हागोननि मिजिंथिखौ फोस्मायनायजो लोगोसे बेबायदि जायनि उन-दाहा फोरमायो। प्रेमिय'नि डक्टर मारिय' डनेल्सआ बिखानि बेरामखौ रिपेट्याव मोनायनि उनाव लिभाखौ क्लबयाव हाबा मावनायखौ बन्द' खालामनो सुवुरुन होदो। मख'नो गोनादि, थानाय दानथामनि गेजेराव मोन्याय रिपेटनि उनाव थानाय बावैसो गोदाने टेस्ट खालामनायावबो बिथानि थासाखियाव सोलायनाय नुनो मोनाखे।

# भारतीय बलार कुलदिप यादवआ वाण्डे मेचयाव रेकर्ड थिसन्दो



गोदान दिल्ली, 19 मार्च: भारत आरो अस्ट्रेलियानि गेजेराव नैथि वाण्डे मेचआ 19 मार्चखालि भिशाखापाट्टनामनि फोथाराव जानाने थाडे। भारतआ बेनि सिगां गिबि वाण्डेयाव 5 उडकेटजो देरहादो। बे खेबाव नैथि वाण्डे मेचयावबो देरहानो नाजानाने भारतआ 2-0 स्कराव आवगायनो नाजदो। भिशाखापाट्टनामनि फोथाराव भारतनि जाना कुलदिप यादवआ बलियाव गोखोडे दिन्थिफुदो। स्टर स्पिनार यादवआ भारतनि जाना बे फोथाराव बयनिखुडो बॉसिन उडकेट लानो हाबाय। बिथाइ बे फोथाराव गेलेनाय खेबथाम मेचयाव 9 उडकेट लाखांबाय। भिशाखापाट्टनाम फोथाराव यादवनि सावसिन दिन्थिफुनाया 42 रानाव 3 उडकेट लानाय जानाने दड। बिथाइ अस्ट्रेलियानि हेँथायै गिबि वाण्डे मेचयाव सासेनि उडकेट लादो। बिथानि मोजाडे दिन्थिफुनायजोनो भारतीय टीमआ गोबां मेचयाव देरहानो हाबाय। यादवआ भारतनि जाना मोनथामबो फर्मेटयाव मेच गेलेखांबाय। जायनि फारियाव खेब 8 टेस्टयाव 34 उडकेट, खेब 78 वाण्डे मेचयाव 130 उडकेट आरो खेब 28 टी-20 मेचयाव 46 उडकेट लाखांबाय। भिशाखापाट्टनामनि फोथाराव बॉसिन उडकेट लानाययनि फारियाव यादवनि उनाव महम्मद शमीआ नैथि नम्बराव दड। बिथाइ बे फोथाराव भारतनि जाना गेलेनाय खेबथाम वाण्डे मेचयाव 6 उडकेट लाखांबाय। बिथामोननि उनाव अशिष नेहरया खेबने वाण्डे मेचयाव 6 उडकेटजो थामथि आरो रंभिन्द्र जाडेजाने खेबथाम मेचयाव 5 उडकेट लाना 4 थि नम्बराव जायगा मोन्दो। 5 थि नम्बराव अमित मिश्राया खेबसे मेचयावनो 5 उडकेट लानाने जायगा मोन्दो।

# वल्ड अमेन्स बक्सिं: प्रितिआ टप रेंकिनि बक्सारखौ फेजेन्नाय आवगायदो

गोदान दिल्ली, 19 मार्च: सिनियर लेभेलयाव गावनि नैथि दुर्नामेन्ट गेलेनाय हारियाणानि प्रिति साइ पवारआ वल्ड बक्सिंनि मेचयाव टप रेंकिनि बेरेखा बादायारिखौ फेजेन्ना प्रि क्वार्टर फाइनलयाव सौहेँबाय। 54 कि:ग्रा: लिस्थायनि केटेगरियाव प्रितिआ टप रेंकिनि गेलेगिरि आरो 2022 नि वल्ड सेम्पियनसिपयाव सिलभार मे डेल देरहानाय रमानियानि लै क्रा मि अआरा पेरिजकखौ रेभिडयाव 4-3 स्कराव फेजेन्दो। हारियाणानि बर्मिघम कमनवेल्ड गोमसयाव सनानि मेडेल देरहानाय निनुआ 48 कि:ग्रा: लिस्थायनि केटेगरियाव आरो मन्जु बाब्बरियाआ 66 कि:ग्रा: लिस्थायनि केटेगरियाव देरहानाने जोबथा 16 आ गोनादि, बे सेम्पियनसिपनि सिगां सेलेक्सखौ लानाने बिजिसालियाव सेलेन्स लाखिनाय प्रितिआ मेचनि उनाव



गावनि रोंगौथिजो बक्सिंनि फोथाराव गावखौ फोरमान होनो लुबैनायखौ फोरमायदो। गिबि राउन्डयाव बिथाइ गोखोडे दिन्थिफुना 3-2 स्कराव देरहादो। नाथाय नैथि राउन्डयाव पेरिजकआ फिन गोहोयाव फेफेन्नाने 2-3 स्कराव आवगायफिन्दो मोन। नाथाय थामथि राउन्डयाव भारतनि गेलेगिरिया बिथांखौ खाबु होयाजासे दबथायनाने लाखिदो। बेनि फिन्नायाव पेरिजकआ प्रितिखौ दबथायनो

पान्सिं खालामदोमोन, जायनि जहोनाव रेपारिया मेचखौ खेबने लाखिथना एन्ट सान्दो। गावनि नैथि वल्ड सेम्पियनसिपयाव बिमुनि थांखियाव गेलेनाय मन्जुआ निउजीलेन्डनि बादायारि कारा व्हेरराउन्ड 5-0 स्करनि फारागयाव गोर्लेयैने फेजेन्दो। निउजीलेन्डनि गेलेगिरिआ मन्जुनि खेबफोमो पान्सिंखौ होबथानाय फेलेँ जायो। जाउनाव बिथाइ नाजासेयावबो भारतीय गेलेगिरिनि हेँथायाव गोर्लेयैने जेनादो। मेचनि उनाव मन्जुआ गिबि बाउटयाव गावनि नाथोस जानाय फोरमायनि रि आरो नायगिरिफोरनि गेजेराव गोखोडे दिन्थिफु नो साहस फेनायखौ फोरमायदो। मन्जुआ फोरमायना लानाय बायदिब्ला, 2019 आव गावनि गिबि वल्ड सेम्पियनसिपयाव मोजाडे दिन्थिफुनो हाथेनि जाहोनाव न'थाव थानानेनो गावनि दिन्थिफुनायखौ सुद्रयना लादो।

# शाकिब अल हासनआ आफरीदि-जयसूर्यानि समान रेकर्ड थिसन्नो हादो

काबुल, 19 मार्च: बांला देशआ आयलेन्डखौ गिबि वाण्डे मेचयाव 183 राननि फारागयाव फेजेन्दो। बांलादेशनि बे देरहानया वाण्डे क्रिकेटनि जातिमिनारि गिदिरिसन स्कराव देहानाय जानाने फेब्राय आरो बे देरहानायजोनो बांलादेशआ सिरिजयाव 1-0 स्कराव आवगायना फेदो। मेचयाव बांलादेशनि जाना शाकिब अल हासनआ गोखोडे दिन्थिफुदो। बिथाइ बलिं आरो वेटियाव गोखोडे दिन्थिफुनायजो पाकिस्ताननि शाहिद आफरीदि आरो श्रीलंकानि सनाथ जयसूर्यानि मोनसे रेकर्डजो समानाव फेब्राय। बे रेकर्डनि फारियाव बिथाइ भारतनि स्टर



अलराउन्डर हार्डिक पन्डियाखौ उनाव दोनबाय। आयलेन्डनि हेँथायै बिथाइ मेचयाव 91 रान लानायनि अन्गायै बलियाव सासेनि उडकेट लादो। बे रान लानायजोनो शाकिबआ वाण्डे क्रिकेटयाव 7 रोजा रान आबुं खालामबाय। बिथाइ वाण्डे क्रिकेटयाव 300 उडकेट लाखांबाय। वे रान लानायजोनो शाकिबआ वाण्डे क्रिकेटयाव 7 रोजा रान आबुं खालामबाय। बिथाइ वाण्डे क्रिकेटयाव 300 उडकेट आरो 7 रोजा

लानाय मुं दं। शाकिबआ बे फारियाव 7069 रान आरो 301 उडकेटजो बिथामोननि उनाव 3 थि नम्बराव जायगा मोनबाय। शाकिबआ बांलादेशनि अनगायैबो मोनथामबो पर्मेटाव गोखोडे दिन्थिफुदो। वाण्डे क्रिकेटयाव 7 रोजानिखुड बॉसिन रान लानाय बांलादेशनि 2 थि गेलेगिरि जानायजो लोगोसे बिथाइ बांलादेशनि थाखाय खेब 65 टेस्ट मेचयाव 4367 रान आरो 231 उडकेट लाखांबाय। बेनि अनगायै बिथाइ खेब 228 वाण्डे मेचयाव 7069 रान आरो 301 उडकेट, 112 टी-20 मेचयाव 2281 रान आरो 131 उडकेट लाखांबाय। भारतनि स्टर अलराउन्डर पन्डियाआ दासिमाव गेलेनाय खेब 72 वाण्डे मेचयाव 1543 रान लाबाय आरो 69 नि उडकेट लाखांबाय। मेचनि बाश्पा बुडोब्ला, आयलेन्डनि हेँथायै बांलादेशआ गिबिबे बेटे खालामना 8 उडकेटयाव 338 रान लादोमोन। जायनि फारियाव शाकिबआ 92 रान आरो तौहिद हदयआ 92 रान लानो हादो।

## ( 1 बिलाइनिफ्राय )

### मानास माहारियारि हाग्रामायाव बड'लेण्ड खुंथाइनि बिफाना गामियारि दावबायथाय मेलाला खुंदो

सिगांनि राजखांन्थिखौ नायबिजिनो बोसोन होयो बर'आ। मख'नो गोनादि, बड'लेण्ड दावबायथाय बिफाननि बाज्यायनायाव साननेनि हाबाफारिजो खुंनाय गामियारि दावबायथाय मेलालाव बाहागो लानाने बिटिसिनि गाहाइ मावफुं सोद्रोमा प्रमद बर'आ गुबुन गुबुन हारि-माहारिनि हारिमुयारि आदार आरो हारिमुयारि जि-जोमफोरखौ नायगिदिनायजो लोगोसे हारिमुयारि मोसाना दिन्थिफुनायखौबो नायगिदिडे। मानास माहारियारि हाग्रामायाव गिबि खेबनि थाखाय खुंनाय गामियारि दावबायथाय मेलालां गामियारि दावबायथायखौ गोनांथि होनायनि खोथाखौ बिटिसिनि गाहाइ मावफुं सोद्रोमा बर'आ मख'यो। थानाय समफोराव दावबायथाय बिथिंखौ दावगालांहोनायनि आबहावा गैयामोन जायनि जाउनाव मानास माहारियारि हाग्रामायाव फेनाय दावबायारिफोर दिनेसिमबो जर'खा खाबु मोननो हायाखे होना मख'नाने मानास हाग्रामाखौ फोजोखानायनि थाखाय मोनसे मास्टारप्लेन दिहुदो होनाने बर'आ बुडे। लोगोसे मानासयाव रिसार्च मिस् आरो जिब-जुनात फाहामथायनि थाखाय क्लिनिक गायसन्नाय जागोन होनाने फोरमायो। गामियारि दावबायथाय मेलालाव बिटिसिनि मावफुं सोद्रोमा धर्मनारायन दास, गौतम दास, एमसिल्लए मन्जु आरो मोनहाबो बाहागो लोयो। मख'नो गोनादि, थानाय शनिबाननिफ्राय साननेनि हाबाफारिजो खुंनाय गामियारि दावबायथाय मेलालाव बर', असमीया, सान्थालि, बेंगलीजो लोगोसे गुबुन गुबुन हारि-माहारिनि सुबुंफोरा गाव-गाव हारिनि जाग्रा आदार आरो जि-जोम बायदिफोरखौबो दिन्थिफुदो।

### आसामाव बोसोरफ्रोमबो सुबुं आरो जुनातनि गेजेराव सोमजिनाय दावहाजो 80 मैदेर ...

गेजेराव सोमजिनाय जाथायाव गोबां सुबुंफोरजो लोगोसे हाग्रानि जिब-जुनात जर'खायै मैदेरफेनि जिउ खहा जानायखौ नुनो मोनबोदो। बेबादिनो राइज्यो सरकारनि मोनसे रिपट बादिथे मैदेर आरो सुबुंनि गेजेराव सोमजिनाय दावहायाव थानाय 12 बोसोर समनि गेजेराव सा 200 निबो बॉसिन सुबुंफोरनि जिउ खहा जादो आरो 100 नि बॉसिन मैदेरफोरा जिउ गोमादो। बेबेखानि आसामआव दासान्दि सुबुं आरो मैदेरनि गेजेराव सोमजिनाय दावहायि जाथाया बॉसिने जाबोनायखौ नुनो मोन्दो। आसामनि हाग्रा बिफाननि मन्थि चन्द्र महन पाटवारिआ फोरमायथिनाय बादिब्ला, राइज्योआव सुबुं आरो मैदेरनि गेजेराव सोमजिनाय दावहायाव बोसोरफ्रोमबो सा 70 नि बॉसिन सुबुं आरो 80 मैदेरफोरा जिउ गोमायो। मख'नो गोनादि, सोलिफु समाव आसामआव गासै 5,700 नि बॉसिन मैदेरफोर दड। सरकारनि बिफानरि रिपट बादिब्ला, 2021 निफ्राय 2022 नि गेजेराव आसामआव गासै 1,330 मैदेरफोरा थैदो। एहँथाय 2016 आव बोसोरसेआवनो 97 आरो 2014 आव 92 मैदेर थैदो।

### भबानिपुरआव दौने लामा ...

लामा लुनाय बिथांखि (एमपिपिपनए)नि गेजेरजो बे मोनने लामाखौ गोदाने लुनाय जागोन होनाने बुडे। भबानिपुर बिथान सभा बिबाबाव गासैबो गामियारि लामाखौ पाक्का खालामनायजो हान्थामेलानि राहाखौ फोजोखानाय जागोन होनानेबो एमएलए तालुकदाआ बुडे। बे मोनने लामाखौ गासै 1 कोटि 83 लाख रं बाहायनाने पाक्का खालामनाय जागोन। अन्थाइ खाम्फा गायसन्नाय हाबाफारिआव बजालिनि सुबुं लुफुंथाय बिफाननि मावफुं इन्जिनिया खनिन चन्द्र बर', बारा' लोगो इन्जिनियर राजेन काकति, भबानिपुर दखर पन्थायनि मासिगिरि बुद्धदेब पाटगिरि, निज भबानिपुर जिल्ला आफाद बिबाबनि बारा' सोद्रोमा फखरुद्दिन आहमेदजो लोगोसे गोबां गागि सुबुंफोराबो बाहागो लोयो।

## ( 1 बिलाइनिफ्राय )

### मेट्रिकनि नंखाय सौंथि बिलाइ लिक जानायजो लोब्बा ...

हमनायनि उनाव थानाय हरआव शिबसागरनिफ्राय पुलिसआ सा 8 फराययुलुआ-फरायसुलिफोरखौ हमबावयो। बिसोर फरायसाफोरा प्रटेक्ट अफ एडसएएसएलसि शिबसागर ह्वाट्सएप ग्रुपनि एडमिनारफोर। ग्रुपआव जिअग्रफो आयदनि नंखाय सौंथि बिलाइ आपलड खालामनायनि दायव सा 8 फरायसाफोरखौ हमदोमोन। दिने सा 6 सुबुंफोरखौ न'सिम दैथायहस्ताय जायो। बेरफासै ह्वाट्सएप ग्रुपनि सानै एडमिन फरायसाफोरा नगाव पुलिसआ गावसोरनि आखाइयाव लानाने शिबसागर सदर थानायाव माखासे चन्तनाडे सौंथि सौंनारनि उनाव नगाव थानासिम लाबोयो। बिसोर सानै फरायसाफोरखौ हमनायनि मिजिं दड। मख'नो गोनादि, नगाव पुलिसआ आखाइयाव लानाय सानै फरायसाफोरा शिबसागरनि हल्लिनेम फरायसालिनि।

### भारत-भुटान सिमनानि ननै ...

खालामदो। थाबैने बेखेवनो गोनां बे मावथांखिया पानेरि आरो उदालगुरि बिबाव सिंनि गोबां ओन्सोलनि सुबुंफोरनि मुलाम्फा मोगोनो। मख'जाथावदि आधिखाल पानेरि बिबाबनि सोद्रोमा थामहिनबा आसाम आयेन आफादनि बुंथिगिरि बिस्वजित दैमारनि गोदान गोनांखो आदोब सानखांथिया थारैने ओन्सोलनि सुबुंफोरनि थाखाय जोबोर मोजो रादाव लाबोदो। बेनि अनगायैबो बिथाइ थानाय बोसोरव हाग्रामाव थाग्रा जिब जुनातफोरनि आदार सुफुंनो थाखाय नने सेरफा हाग्रा ओन्सोलाव फिथाइ-सामथायनि बिफां गायनाय राहा लादोमोन। मख'गोनादि दिनेनि सावरायनायाव बुंथिगिरि बिथाइ लोनाय दैनि मावथांखिनि थाखाय भुटान सरकारनि हेफाजाब नायगिरनाने गांसे लाइजाम गथायो। बे सावरायनायाव तामुलपुरनि एम.एल.ए. जलेन दैमारि, एम.सि.एल.ए. बिजितगोरा नाजारि, उदालगुरिनि जिल्ला बेंगिरि आरो सुबुं सावस्त्रि सोरदिंगोरा बिफाननि मावख'गिरिफोरा बाहागो लोयो। इण्ड-भुटान फ्रेन्ड्सिप एस'सियेसन्नि सोद्रोमाफोरबो सावरायनायाव बाहागो लाफायो।

### राइजो-राजाफोरनि जौगालु ...

देबितला थि सि डि सिनि सिखव थानाय सातिपुर गामियाव गोबां बोसोरनिफ्रायनो सिस्ति दैसायाव लुफुंजायाखेवना गंसे मोजां दालां। जायनि थाखाय वे ओन्सोलनि थागिबि सुबुंफोरा थालाय-फेलाय खालामनायाव जेनाजो मोगा-मोगि जाबोनादो। बे दालानि बायहं-जिहं थासाखौ दिने नायगिदिफेनाने एम सि एल ए मुन मुन ब्रह्मआ गावनि एम सि एल ए फान्डजो दालां लुफुंनाने होनो थाखाय गामिनि राइजो-राजानो खोथा होयो।

## ( 1 बिलाइनिफ्राय )

### दिनेनिफ्राय ब्रैथि एसियायन ख'ख' सेम्पियनसिप

अक्षय गुन्बेले, (केप्टेइन) रेलवेनि अरुन गुनकि, अक्षय भांगारि, सुर्य गरोत, महाराष्ट्रनि अनिकत पते, अब्ध पाटिल, कर्नाटकनि गौतम एमके, अतल शिव रेडिस मदन दिल्ली, तामिलनाडुनि एस सन्थर, पन्डुचेरिनि थि कबिलम, सचिन भाग, मध्य भाग, उत्तरप्रदेशनि अशक आरो राजस्थाननि मुकेश। मख'नो गोनादि, भारतयारि हिन्जावसा दोलोयाव तामुलपुरनि रन्जना शरनिथानि मुंखो फोसावनाय जादो। गुबुन कार्सेथि, होवसा दोलोयाव आसामनि सनापुरनि तिथं डेकानि मुंखो रिजाभं फारिलाइयाव सोसन्नाय जादो। गाबोन एका 20 मार्चआव खुंनो गोनां 4 थि एसियायन ख'ख' सेम्पियनसिपयाव भुटान, मालेसिया, इन्डोनेसिया आरो खोला करियानि गेजेराव बेखेव बादायलायनायखौ खुंनाय जागोन। बेखेव हाबाफारियाव सा-सान्जा भारतनि जिअसि लेपेटेन्ट जेनेरेल राना प्रताप कलिता, आसामनि गाहाइ सेक्रेटारि सन्जय किशान, आसामनि गिबि मन्थि ड० हिमन्त बिश्व शर्मा, बिटिसिनि गाहाइ मावफुं सोद्रोमा प्रमद बर' मोनहा बाहागो लागोन। दिने मोनाबिलि समाव आसामनि आर्टिस्ट संगिता काकतिनि देदेन्यायाव बादयथिलियाव हारिमुयारि दोलोफोरा हारिमुयारि दिन्थिफुनायनि हुदा खालामो होनाने सुलुइ मिथिहोदो।

### माजबात दखरा हाग्रा बिफाना आइन बेरेखा दंफां मिल, बाथामजो लोगोसे गंसे ट्रेक्टखौ हमदो

बिट बिबानगिरि मिन्नु बर'नि दैदेन्याय हाग्रा मावफारियानि मोनसे हान्जाया सिग्रोमनाय हाबाफारि लानाने एएस 27 सि 6317 नम्बरनि गंसे ट्रेक्टजो लोगोसे गोबां बिबानि बाथामफोरखौ बोखानो हायो। अरुणाचल प्रदेशनिफ्राय आइन बेरेखायै गोबां बिबानि बाथामखौ ट्रेक्टजो लाबोबाय थानाय समावनो हाग्रा बिफाना ट्रेक्टखौ हमनो हायो होनाने सुलुइ मिथिहोदो। गुबुन फारसेथि, थानाय माखासे सान सिगां उदालगुरि जिल्ला हाग्रा बिफान आरो माजबात दखरा हाग्रा बिफाना उदालगुरि जिल्लानि माखासे जायगायाव हाबाफारि लानाने आइन बेरेखा दंफां मिलजो लोगोसे आइन बेरेखा बाथामफोरखौ हमदोमोन।

### मिसामारि दख'रा एबसुनि 39 थि गइसन्थाय ..

आफादनि आफादगिरि प्रदिप बर'आ। हाबाफारिनि गेजेरजो मिसामारि ओन्सोलाव बर' बिजोनि गंसेबो गुदि फरायसालि गेलिया होना फोरमायथियो मिसामारि दख'रा एबसुनि आफादगिरि दुमन बर'आ। सिगाडव बर' बिजोनि गंजा फरायसालिफोर दडमोन, नाथाय फोरॉगिरि गैथिनि जाहोनाव थाखानाय फरायसालिफोर थैलाजोबवाय आरो बर' गथ'फोखौ असमीया बिजोनि फरायसालिफोराव फोरॉनो गोनां जादो। जायनि थाखाय बर' बिजोनि फरायसालिफोर जोबखालानो गोनां जादो। ओन्सोलनि बॉसिन बर' सुबुंफोरनो बर' रावबो रायज्लायनो रॉलिया होनाने मिथिनो मोन्याय जादो।

### गसाइगावआव अर खामनायजो गोबां ...

खोमोरा बिफाना फेनाने माखासे दखन फोरखौ रैखा खालामनो हायो होना फोरमायदो ओन्सोलनि सुबुंफोरा। जाथयनि बागै खौरां मोनाने 3 नं श्रीरामपुर बिबाबनि एम सि एल ए सजल कुमार सिंहआ जाथयथिलियाव नुजाथिहेनाने सुलु लाहैयो। लोगोसे सरकारनि जानाने खहा जानाय सुबुंफोरनो हागोमानि हेफाजाब होनो खोथा होनायजो लोगोसे सजल फाउन्डेसननि जानानेबो हागोमानि हेफाजाब होनोबो बिथाइ खोथा होयो।

# आरआरआरनि स्टार जुनियर एनटिआरखौ बिथोनगिरि विश्वक सेननि गुबुन मोनसे सावथुनयाव नुनो हासिगौ

तेलेगु सावथुननि बयनिखुइ बांसिन डिमान्डआव सोलिनाया फावखुंगुर जुनियर एनटिआरआ बावैसो समाव हाइड्राबादआव मोनसे हाबाफारियाव सौहैनानै गावनि फेन्सफोरखौ गाञ्चि रोखोमै सोमोखां होदों। बिथोनगिरि विश्वक सेननि सावथुन दस का धमकीनि प्रमशाननि समाव जुनियर एनटीआरखौ नुनानै फेन्सफोरा गाव-गावखौ सामलायनो हायै बायदि जादोंमोन। साफ्रोमबो सेननि सावथुननिफ्राय बांसिन आरआरआर सावथुननि स्टारनि गुबुन मोनसे सावथुनआ मा जागोन बेखौ मोनथिनो उसु-खुथु जादोंमोन। एनटिआरआ बे सौंथिन सायाव एसे रंजनाय



लादों आरो दासिमाव गाव मोनसेबो सावथुनआव मुंसाइ होयाखै होना बुंदों। नाथाय जेब्ला फेन्सनि सोमोन्दै फोरमायनो नारसिन्थाय होयो अब्ला बियो आं आंनि फिन्नायखौ खनबेसे होनो होना

बुडो। जोबथायाव जुलियर एनटिआरआ बुंबावो गाव आथिखालाव जेबो सावथुनयाव बाहागो लायाखै आरो जुदि खनले-खनले बेबायदिनो सौंथि सौंबाय थायोब्ला गाव सावथुनयाव फाव

खालामनायखौनो बन्द खालामगोन। जुलियर एनटिआरनि बाध्राखौ खोनाय लोगो-लोगोनो फेन्सफोर सिरि थायो आरो गोमोयो। नाथाय माखासे समनि उनाव फेन्सफोरखौ फावखुंगुरआ

जंखायदों होना मिबथियो। खौरनि बायदिब्ला जुनियर एनटिआरआ बिथोनगिरि करगताला शिभांनि गुबुन मोनसे सावथुनयाव फाव खालामगोन, जाय फे गौ बोसोरनि 5 एप्रिलयाव रिलिज जागोन। बावैसो समाव बलिउड फावखुंगुर सेफ आलि खानखौ सावथुनयाव भिलेननि फावयाव मुंसाय खालामदों होना खौरं मोन्दोंमोन। बेनि सिगां जाहन्वी कापुरनि बे सावथुनयाव एन्ट्रि जागोननि खौराडाबो फेदोंमोन। बेखौ सावथुनयाव जुनियर एनटिआरनि अपजिटयाव नुनो मोनगोन। आथिखालाव फारफोमथिबो आरआरआरआ खौराडाव थदों। सावथुनआ नातु नातु देखौनि थाखाय बेस्ट अरिजिनेल देखौनि अस्कार बान्था मोन्दों।

## फावखुंग्रि आयशा जुल्काया मनिषा कइरालाजों जेंना सोमजिनायनि खौरां गोसारनायखौ लाना बाथा बुंदों



आयशाआ बे पल्लभि दलकिया मुनि फाव खालामदों। बे स्व'आ मोनसे ओरैबायदि नख'रनि सल', जेराव मोनब्रे जेनेरेशननि सुबुंफोर थायो आरो मोनब्रे जेनेरेशननि सुबुंफोर गाव गावनि जिउखौ खुं'नायनि सायाव आलादा आलादा नेम-खाथि दड। बे स्व'आव आयशाया हाउसवाइफनि फाव खालामदों, जाय गोबां फिसा-फिसा बाध्राफोरखौ नुब्लाबो नुयैबायदि खालामनानै गावनि खरखौ खौसेयै लाखियो। बे फावआ गेजेर थाखोनि आइजोनि सरसनस्रा जिउनि फाव। गावनि फावनि सोमोन्दै आयशाया बुंदों, जों साफ्रोमबो गाव गावनि नखरखौ फर ग्रान्टेड लानानै आवगायो। नख'रव साफ्रोमबो सुबुंआ गुबुननि आसा खालामनाय बायदि जाकुंनो हाया। नाथाय थासारीखौ नोजोर होनानैसो बै नख'रखौ सामलायनगौ जायो। माखासे सान सिगां मुलुगनाइ आइजो सान फालिदों। बे समाव गोबां स्टारफोरा बे बाध्राखौ

गनायथिदोंदि, आइजोफोरखौ हेफाजाव होनागौ, नाथाय बेबो थारदि माल्बाबा माल्बाबा सासे आइजोआनो गुबुन आइजोनि सुथुर जायो। 90 जौथाइआवबो बे रोखोमनि गोबां खौरांफोरा फेयोमोन। जेराव गुबुन फावखुंग्रि या गुबुन सासे फावखुंग्रिनि सोमोन्दै माखासे बाध्रा बुंनायनि दाबि दैखानाय जायोमोन। बै समाव मनिषा कइराला आरो आयशा जुल्काखौ लानानै बेले-बेले थासारि जानायनि गोबां खौरां फेयोमोन। मनिषा कइरालाजों गावनि जेंना सोलिनायनि खौरांनि सायाव आयशाया बुंदों, बियो माल्बाबाबो गावनि खुगाजों हेंथा बाध्रा बुंनाय खोनायाखै। बियो बुंबावदों, गोबां खेब ओरैबायदि जायोदि, जों गुबुन बाध्रा बुडो आरो गुबुन सुबुंआ बाध्राखौ आलादा रोखोमै फोरमायहेयो। मनिषा कइरालाजों गाव गोबां फाव खालामदों आरो सानैनि गेजेरव जेबो रोखोमनि जेंना सोमजियाखैमोन।

बलिउडनि मुंदांखा फावखुंग्रिफोर मनिषा कइराला आरो आयशा जुल्काया गावसोरनि समाव मोजां सावथुनफोरखौ होबोदों। सानैबो फावखुंग्रिफोरा गावसोरनि फावजों अरयसम नायगिरिफोरखौ इन्टरटेन्टमेन्ट खालामदों। नाथाय फोरमायनाय जायोदि, सानै फावखुंग्रिया माल्बाबाबो लोगो जानो हाया, मनिषा कइराला आरो आयशा जुल्काखौ लानानैबो माखासे बेबायदिनो खौरांफोरा फेदों।

नाथाय बेवहाय बेसेबां थार बाध्रा दड बेखौ आयशा जुल्काया गावनो फोरमायदों। हिन्दुस्टन टाइम्सोनो होनाय इन्टरभिउआव 80-90 जौथाइनि बे मुंदांखा फावखुंग्रिया मनिषा कइरालाजों गावनि बडिनि सायाव बाध्रा सावरायदों। बेजों लोगोसेनो बियो गावनि वेब स्व' 'हेप्पी फेमिलि कन्डीशन्स एप्लाइ' आव गावनि फाव खालामनायनि सायावबो बाध्रा बुंदों। प्राइम भिडिआव दिन्थिनाय बे वेब स्व'आव

## रानि मुकार्जिनि सावथुन मिसेज चेटार्जी भार्सेस नर्वेआ गिबि सानआव मोजां रां आरजिनो हादों

रानि मुखार्जीनि सावथुन मिसेज चेटार्जीनि भार्सेस नर्वे' आ 17 मार्च आव सिनेमाहलफोराव रिलिज जाखांबाय। बे उमेन सेन्ट्रिक सावथुनआ अपेनि डेआव बक्स अफिसआव मोजां फिन्जाथाइ मोन्दों। बे सावथुनजों रानि मुखार्जिआ गोवान समनि उनाव गिदिर पर्दायाव फेफिनदों। नंगुबै जाथायनि सायाव बिथा खालामनाय रानि मुखार्जिनि सावथुन 'मिसेज चेटार्जी भार्सेस नर्वेआ सागरिका भट्टाचार्यनि नंगुबै जिउजों थुलुंगा मोनाय। आशिमा छिब्वरनि गेजेरजों बिथोन होजानाय मिसेज चेटार्जी भार्सेस नर्वेनि गिबि साननि रां आरजिनाया नन्दिता दासनि गेजेरजों बिथोन होजानाय सावथुन 'जिवागट' निफ्राय गोबां बांसिन। ट्रेड एनालिस्ट तरण आदर्शनि बायदिब्ला रानि मुखार्जिनि सावथुनआ अपेनि डेआव 1.27 कोटि रांखौ आरजिदों। 535 स्क्रिनफोरव

# माहाम देहानि राहा

## चेरिनि जुसआ देहानिफ्राय इउरिक् एसिडखौ आबुडै जानगार खालामो



चेरिनिया मोनसे ओरैबायदि फिथाइ, जाय भिटांमिन बि, भिटांमिन ए, भिटांमिन सि, भिटांमिन के, भिटांमिन इ, पटैसियाम, मेग्नेसियाम, कपर आइरन, केल्सियाम आरो फस्फराज बायदि गुणफोरजों बुंफनयाय। बेखौ जानायजों देहायव गोबां मुलाम्फाखौ मोनो हायो। चेरिखौ सरसनस्रा महरै सालाद एबा सुइट डिशेजनि महरै जानो मोजां मोनो। नाथाय माल्बाबा नोंथाडा चेरिनि जुसखौ बानायनानै लोंबाय न? जुदि लोडाखैब्ला चेरिनि जुस बानायनायनि रेसिपिखौ मिबथिना लानो हागोन। चेरिखौ जानायजों जोंनि देहायाव इउरिक् एसिडखौ बाइड खालामनायाव मदत

मोनो। बेनि अनगायै बेखौ जानायजों दोगोन आरो स्तीपि क्वालिटिआ मोजां जायो। चेरि जुसखौ बानायनो थाखाय नोंथाडा बयनिखुइ गिबिसिन गोजा गाबनि चेरिखौ लानागौ। बेनि उनाव चेरिखौ बेगरखौ दिहुनांगौ आरो बेफोरखौ फिसा फिसा हाफ्लेनांगौ। उनाव गंसे दोआव दे होनानै बे देखौ गरम खालामनांगौ। बेवहाय फलामखौ

होनानै 2 मिनटिसिम गोदौहोनांगौ। उनाव गेसखौ बन्द 'खालामनानै फलामखौ दे गुदुनिफ्राय दिहुनांगौ आरो दै गुसुआव 1 मिनट दोननांगौ। उनाव फलामखौ बिगुर गारनानै हाफ्लेनांगौ बेनि उनाव मिक्सआव हाफ्लेनाय चेरिखौ थरमुज आरो फलामखौ मोजाडै उननांगौ। जायनि उनाव चेरिनि जुसआ थियारि जायो।



रिलिज जानाय बे सावथुनआ माउथ पाल्लिसिटिनिबो मुलाम्फाखौ उइकेन्डआव मोनो हागौ। इमशनेल फेमिलि ड्रामा सावथुननि ट्रेलारआ रिलिज जानायनि उननिफ्राय नायगिरिफोरा बेखौ नेना थदोंमोन। 2011 आव सागरिका भट्टाचार्य आरो बनि फिसाइनि सायाव 3 बोसोरनि फिसाजला अभिज्ञान आरो से बोसोरनि फिसाजो एश्वर्याखौ

गावसोरनि भिसिनायाव फुथुनाय, मोजां रोखोमनि जाग्रा आदार जाहोय, मोजां रोखोमै ड्रेस गानबोयैखौ लानानै गोबां दाय जाबसिन्नाय जादोंमोन, जायनि उनाव नर्वेनि बिबानगिरिफोरा सानैबो गथ'फोरखौ गावसोरनि कास्टडिआव लादोंमोन, उनाव गावसोरनि फिसाफोरखौ मोनफिन्नो थाखाय बिसोरो जुजिदोंमोन। रानि मुखार्जीखौ जागायबाय।

जोबथा खेब सावथुन 'बन्दी और बाबली-2 आव सेफ आलि खान, सिद्धान्त चतुर्धेदी आरो शार्वरिजों नुनो मोन्दोंमोन। बे सावथुनआ बक्स अफिसआव जर'खा दिन्थिफुंनो हायाखैमोन। फेनो गोनां समआव रानि मुकार्जिखौ सावथुन मदीनि-3 आव नुनो मोनगोन। रानिआ गावनि बे सावथुननि थियारिखौबो जागायबाय।

## अर्जुन कापुरजों डेट खालामनायखौ लानानै मालाइका आरइया गोबां बाध्रा खोनासनांदों

मालाइका आरइया गिबियाव आरबाज खानजों फाथैलाइ बिसिदों आरो उनाव अर्जुन कापुरजों सोमोन्दो लाखिदों। मालाइकाया अरयसम गावनि सोमोन्दोखौ लानानै सोराडव थायो आरो सुबुंफोरनिफ्राय गोबां खोथाबो खोनासनांगौ जायो। नाथाय आथिखालाव मालाइकाया गावनो मोनसे इन्टरभिउआव गाव माबोरै गावनि जिउनि फाथैलाइ बिसिनाय आरो सोमोन्दोआव थानायनि बे मोनै बाध्राखौ लानानै सुबुंफोरजों मोगा-मोगि जादों बेखौ फोरमायदों। बनि बायदिब्ला सुबुंफोर गावखौ गोबां खोथा खोनासहदों नाथाय गाव जायखि जाया बाध्राफोरखौ लानानै सानाखै। मालाइकाया इन्टरभिउआव फोरमायबावदों, जेब्ला आरबाज खानजों गाव फाथैलाइ बिसियो अब्ला गावखौ गोबां सुबुंफोरा मानो फोथैलाइ बिसिनो नागिरिखो होना सोंदोंमोन। मानोना फाथैलाइ बिसिनायनि दागोआ अरयसम लोगोसे थायो। बेनि उनाव जेब्ला मालाइकानि



गेजेरजोंनो बियो अरयसम गावनि सोमोन्दोआव सौंथि खालामनाय गोबां सुबुंफोरनोबो गोखों फिन्नाय होदों। बि टाउननि बयनिखुइबो मुंदांखा स्टार मालाइकाया रोखायै बुंदोंदि, मोजां मोनलायनायाव बैसो थाया। नोंजों मोजां मोनलायनाय सुबुंआ बैसोआव उन्दैब्लाबो बेयो जेबो फारगथि फैया। मानोना बियो उन्दैब्ला नोंथांखौबो लाइमोन महरै हमादोंहोगोन। मालाइकानि बायदिब्ला बेजों गाव

गोजोननायखौ हमदाडो। मालाइका आरो अर्जुननि बाध्राखौ बुडोब्ला बिसोर सानैआ 5 बोसोरनिफ्राय लोगोसेयै दड। गावसोरनि सोमोन्दोआव गोबां जेंनाफोरखौ जानगार खालामबोखांबाय आरो बिसोरो गोबां सिरियासबो। बेबायदिवाव सम सम बिसोरनि जुलिनि खौराडा गोसारबाय थायो। फोरमायनाय बायदिब्ला बे बोसोरव बिसोरो जुलि जानो हासिगौ।

## कपिल शर्मानि सावथुन ज्विगेट'आ गिबि सानआव लासैयै रां आरजिनो हादों

कमेडियान आरो फावखुंगुर कपिल शर्मानि सावथुन 'ज्विगेट'आ 17 मार्च आव सिनेमाहलफोराव रिलिज जाखांबाय। नन्दिता दासनि बिथोन होनायाव बानायनाय बे सावथुनआव कपिलया डिलिवरि बय मानसनि फाव खालामदों। जाय गावनि नख'रनि बिबान लानो थाखाय गोबां स्ट्रगल खालामो। सावथुननि ट्रेलारआ रिलिज जानायनि उननिफ्रायनो बेखौ नायगिरिफोर गोसो होसारनानै



जेबो स्क्रिप्टखौ मोनाखै, मानोना गावनिथा सावथुन इन्डस्ट्रियाव रावबो गडफादर गैया। फावखुंग्रिआ बुंबावदों गाव सुबुंफोरनिथाव थानानै हाबाफारि बिहैनयनि सायाव फोथाया। अंकितानि बायदिब्ला सावथुन बाजारआ मोनसे आलादा मुलुगा मख'नो गोनार्दि, बावैसो समाव गोबां टिभि फावखुंग्रिफोरा बलिउडआव जायगा बानायजों। जेव राधिका मदान, मौनि रय, मृणाल ठकुर, वृत्तिका कामर आरो यामि गौतमनि मुख दंपदारे।

नेना दंमोन, नाथाय सावथुननि गिबि सानआव रां आरजिनो हानाया मोजां जायाखै। सावथुनआव कमेडियान आरो फावखुंगुर कपिलजों लोगोसे शहाना गस्वामीखौ गाहाइ फावआव नुनो मोन्दों। ज्विगेट'आ गिबि सानआव नायगिरिफोरनिफ्राय सरसनस्रा फिनजाथाय मोन्दों। ट्रेड एनालिस्ट तरण आदर्श आ टुइटरआव लिरदों, 409 स्क्रिनआव रिलिज गावनि टुइटरआव फोरमायदोंदि, सावथुना गासै 42 लाख रांखौ आरजिदों। तरण आदर्श खालामनाय सावथुन ज्विगेट'आ गिबि सानआव मोनसे सरसनस्रा स्कर लाबोदों। सावथुनआ माउथ पाल्लिसिटी मोन्दों, सप्ताहआव मोजां रां

आरजिनोनि सान्देह दड। शुरुबारखालि सावथुनआ 42 लाख रां आरजिदों। कपिल शर्मानि बे सावथुनआ क्रिटिक्सनिफ्राय मोजां रिभिड मोन्दों। बेजों लोगोसेनो सशेल मिडियाआवबो सावथुनखौ बाख्नायदों। सावथुनआव कपिल शर्मानि फावखौ नायगिरिफोरा मोजां मोन्दों। कपिलखौ कास्ट खालामनायनि सायाव नन्दिता दासआ बुंदों, गाव कपिल शर्मानि स्वखौ माल्बाबाबो नायाखैमोन, नाथाय क्लिपआव गाव नायदोंदि, बियो गावनि फाव मानसनि थाखाय पारपेक जादों। जेब्ला गाव बिखौ लोगो हमनो सौहैयो आरो सावथुननि अफार होयो अब्ला कपिल शर्माया सल'खौ खोनासनानै थाबैनो गनायो।

## फावखुंग्रि अंकिता लखन्डेआ गावनि जिउआव सोलिनाय माखासे बाध्रा फोरमायदों

अंकिता लखन्डेआ टेलिभिजननि बयनिखुइ मुंदांखा स्टारफोरनि गेजेरव सासे। सुशान्त सिं रजपुतजों लोगोसे मुंदांखा टिभि श्व' पबित्र रिश्तायाव आर्चना देशमुखनि महारव नुनो मोन्यायनि उनाव बियो नख'र-नख'र सिनाय जानो हादोंमोन। टिभिनि उनाव अंकिताया बलिउडयावबो गावनि खाफलखौ आन्जाद नायदों आरो कं गना रनौतनि सावथुन मणिकर्णिकाजों जागायदों। सावथुनयाव बनि एक्टिखौ मोजां

मोनाय जादों, नाथाय खाफल गाञ्चिदि, बियो जेबो गुबुन सावथुननि प्रजेक्टखौ मोनाखै। बावैसो समाव अंकिताया बे मिथियाव मिडियाजों बाध्रा सावरायनानै फोरमायदों, मणिकर्णिकानि उनाव दिनेसिमबो गावनो रवबो गुबुन डाइरेक्ट-प्रडिउसआ सावथुननि अफार होयाखै। अंकिताया थानाय बोसोराव भिक्की जेंजों जुलि जादोंमोन। बियो लान्थियै गावनि थाखाय सावथुनयाव फाव खालामनो हाबाफारि नागिरदों।



बलिउड बवलजों लोगोसे मोनसे बाध्रा सावरायनाय समाव अंकिता लखन्डेआ मणिकर्णिकानि उनाव

जेबो मोजां स्क्रिप्ट आरो हावाफारि मोनैनि सायाव बाध्रा सावरायदों। बियो गनायदोंदि, गाव

## पुलिस आरो हेफाजाबआरिफोरनि दाडबाजिनि गेजेरजों इमरान खाननि ग्रेप्टार वारेन्टआ फेलें जाबाय

कराचि, 19 मार्च : तशखाना के सआव पिटिआइनि आफादगिरि इमरान खाननि एरेस्ट वारेन्टआ शनिबारखालि फेलें खालामाजयो। एडिएसजे जाफर इकबारआ इस्लामाबाद पुलिस आरो पिटिआइ मावफारियाफोरनि गेजेराव बिजिरसालि लांगोनायाव दडबाजि जानायनि जाहोनाव इमरान खाननि नुजाथिनायखौ थिसनायखौ उनाव बिखौ थांनो गनायथि होयो। बिजिरगिरिया इमराननि एरेस्ट वारेन्टखौ केन्सेलबो खालामो। बे केसनि हिंसायारिखौ 30 मार्चनि थाखाय दोन्थ 'नाय जायो। थांनाय शनिबारव इमरान खानआ सान्जौफुनि उनाव इस्लामाबाद



बिजिरसालियाव सौहैदोंमोन। बे समाव बिजिरसालि मोजाखाडाव पुलिस आरो पिटिआइ मावफारियाफोरनि गेजेराव दाडबाजि जायो। पुलिसनि सार्च अपारेसन खालामानायनि उनाव गांसे बेग बोखांनो मोन्नायखौ लानानैबो इमरान खाननि पार्टिआ सौंथि खालामदों। पार्टि बुंदों, पुलिसआ

हाबहैदों। इमरान खानआ हिंसायारिनि थाखाय इस्लामाबाद कर्टआव थांनो ऑंखारलांदोंमोन आरो बेनि उनावनो पुलिसआ न'आव फेना सिग्रोमदों। बै समाव बारग' गाहाइ मन्थिनि हेफाजाबआरिफोरनि गेजेराव गोबां रगा जौनायजों पुलिसआ मोगा-मोगि जानांदों। फारसेथिं पाकिस्ताननि नख'र मन्थि रण सनाउल्लाहया मोनसे गिदिर दाबि दैखंदों। बिथाड लाहरनि पुलिसआ इमरान खाननि न'निफ्राय गोबां बमा, गुलि मोन्दों आरो बेखौ मिडियाआव दिन्थिनाय जागोन होन्ना बुंदों।

बै बेगखौ गावसोरनो लाबोफाखानानै न' सिंआव थांदों आरो बेखौ बोखांनो मोन्नाय होन्ना बाइजोआव लाबोना दिन्थदों। फारसेथिं लाहोरआव इमरान खाननि न' साखाथियावबो पुलिसआ टेम्परारि केम्प बानायदों। बेयावनिफ्रायनो पुलिसआ गोबां अन्जिमायाव न'आव

## सरकारनि इमाइग्रेशन बिलनि हेंथायै लण्डनआव गोख्रों धर्ना होदों

लण्डन, 19 मार्च : रोजा रोजा सुबुंफोरा लण्डनआव शनिबारखालि ऑंखारनानै सरकारनि इमाइग्रेशन बिलनि हेंथायै होस्त्रिखावदों। गेजेर लण्डननि बिबिसि बायजोनि मावख'आव पर्टेलेण्ड प्लेसआव धर्ना होग्राफोरा 'रिफिउजिफोरखौ बेवहाय बरयो' होन्ना नै स्ल'गान होयो। खौरनि बायदिब्ला बे धर्नानि हाबाफारिखौ स्टेन आफ टु रेचिजम गुप बान्जायनायाव खालामनाय जादोंमोन। स्टप वार क्वालिशन, ब्लेकलाइफ्स मेटर, मुस्लिम आरो खूष्टान समाजफोरजों लोगोसे गोबां आफादफोर आरो आबहावा आफादफोरजों लोगोसे गुबुन



गुबुन गुप आरो अर्गानाइजेशनफोरा बे धर्नानि हाबाफारियाव हेफाजाब खालामदोंमोन। धर्ना होग्राफोर कन्जार्भेतिथि पार्टिनि इमाइग्रेशन खान्थिफोरखौ नेवसिगारदों आरो जेनायाव गोग्लैनाय रभान्डा यजना आरो बावैसो सिगाडव लाबोनाय इमाइग्रेशन बिलखौ

लानानै हादतनि नख'र मन्थि सुएला ब्रेबारमेनखौ सोंखारिदों। धर्नानि हाबाफारियाव धर्ना होग्राफोरनि आखायाव लानाय बेनारआव सायख'नानै बन्द' खालाम आरो आश्रय बिनाया दाय नख होन्ना लिरनाय दंमोन। धर्ना होग्राफोरा पर्टेलेण्ड प्लेजनिफ्राय उनाव डार्डनिस्ट्रीक

फारसे हान्जा सुरलाडे। बे गोख्रों धर्नायाव बाहागो लानाय सासे सुबुंआ बुंदोंदि, बियो हादतआव फेनो गोनां सुबुंफोरजों खौसे थानायखौ दिन्थिनो थाखाय धर्नायाव बाहागो लादों। बै सुबुं जायफोरजों मोजां आखु दिन्थिनाय जाया बिसोरनि थाखाय गावसोर सोमावसारदों। सरकारनि रभान्डा यजनानि सायाव बियो बुंदोंदि, यजनाया आबुडे आइन बेरेखा, मानोना बयहाबो मोनसे अप्सन मोन्नांगो। गोदानै लाबोनाय बे यजनाया गोबां गुबुन हादतनिफ्राय थाफेनायफोरनि थाखाय जेना आरो गोसोआव जोखोम होनो हागौ।

## आफगानिस्तानआ इउएननियाव मदतनि आर'ज गाबदों



काबुल, 19 मार्च : आफगानिस्तानआ जुथाइ हादत (इउएन) नियाव मदतनि आर'ज गाबहरदों। दावहाजों भुगिनांनय हादतआव आंखाल जागोन सन्देह'नि जेनाया बांसिन जाहोनायनि गेजेराव आफगानिस्तानआ इउएननिफ्राय मदत बिहरनानै गम दोन्थुमनायनि सुबिधा जगायना होनो खावलायदों। खौरांनि बायदिब्ला आबाद आरो जिब-जुनात फिसिग्रा सेम्बारा इउएनखौ मदत खालामनो हांखायहरदों आरो बे मदतजों आफगानिस्ताननि रांखान्थि थासाारियाबो साबखानायाव मदत मोनगोन होन्ना बुंदों। मख'जाथावदि, 2021 नि अ

जेंनानि सोमोन्दै तालिबान दैदेननाय आबाद मावख'नि सासे बुंथिगिरि मुस्बहुदिन गुस्तिनआ बुंदोंदि, आबाद मावख'आ इमार्जेन्सि थासाारिनि थाखाय 100,000 टन गम बायनाय बाजेट लाबोनायनि यजनाखौ के बिनेटनो दैथाइहरदों। मख'जाथावदि, मुलुगनाडै निफ्राय सुबुंथिनि मदत मोनसेयावबो पाकिस्ताननि निखावरि, उखैहाबनाय आरो खामानि गैजायै जेंनानि हारआ दासिमबो जेना-गोनां थाखोआव दड। सासे जर'खागिरि आरो बिजिरगिरि कुतुबुदिन याकुबिआ बुंदों, आफगानिस्तानआ बोसोरफोमबो 6-8 मिलियन मेट्रिक टन गमनि गोनांथि जायो। बेनि गेजेराव 5 मिलियन मेट्रिक टन गमखौ हादतआवनो दिहुनो हानाय जायो आरो आद्रा थानाय बाहागोखौ गुबुन हादतनिफ्राय जगायनाय जायो। आथिखालाव हादतनि खावसेनिखुइ बांसिन सुबुं अन्जिमानि सायाव थाद'नाय गैयै फारगथि आखु दिन्थिनाया सोलिंगासिनो दड। जायनि जाहोनाव आफगानिस्तानआ दरसे हादत महरै जाखंबोनायाव गोबां जेंना जानांदों।

आथिखालाव पाकिस्तानआ गोबां रांखान्थि जेंनाजों भुगिनांनय दड। थासाारिया ओरैबायदि जानानै बुंदों हादतआव आटा, दालि बायदिना बांसिन आंखाल जादों। इमरान खान आरो खुंथायाव थानाय दोलोनि गावआरि जेनाया पाकिस्तानखौ जेनायाव खोखलैसिन्दों। बेनि गेजेरावनो पाकिस्ताननि आबुंथिआबो सुबुंथिनि गैयै जाबदों। बेयाव आइजोफोरनि थासाारिया जोबोद गात्रि। पाकिस्तानव जिनाहारि केसनि दायनिगिरिफोरनि गेजेराव बांसिनो आंगो सुबुंफोर एबा नख'रनि खाथि सोमोन्दो गोनां सुबुंफोरबो दंफायो। बे समाव सासे पाकिस्तानी आइजो एमपिनि भिडिअ सशोल मिडियाआव गोसारदों। बेयाव एमपिआ मोनसे तिभि प्रगामआव जिनाहारि खालामनायजों लोब्बा गोनां सोमोनांथाव अन्जिमाखौ फोरमायदों। बिथाडा बुंदों, पाकिस्तानआव जिनाहारि केसनि दायनिगिरिफोरनि 82 जौखोन्दोआनो भुगिनांनय नख'रनिनो जायो। जिनाहारि

## पाकिस्तानआव जिनाहारिनि 82 जौखोन्दो केसआव नख'रनि आंगो हौवा सुबुंफोरानो दायनिगिरि: रिपर्ट

कराचि, 19 मार्च : आथिखालाव पाकिस्तानआ गोबां रांखान्थि जेंनाजों भुगिनांनय दड। थासाारिया ओरैबायदि जानानै बुंदों हादतआव आटा, दालि बायदिना बांसिन आंखाल जादों। इमरान खान आरो खुंथायाव थानाय दोलोनि गावआरि जेनाया पाकिस्तानखौ जेनायाव खोखलैसिन्दों। बेनि गेजेरावनो पाकिस्ताननि आबुंथिआबो सुबुंथिनि गैयै जाबदों। बेयाव आइजोफोरनि थासाारिया जोबोद गात्रि। पाकिस्तानव जिनाहारि केसनि दायनिगिरिफोरनि गेजेराव बांसिनो आंगो सुबुंफोर एबा नख'रनि खाथि सोमोन्दो गोनां सुबुंफोरबो दंफायो। बे समाव सासे पाकिस्तानी आइजो एमपिनि भिडिअ सशोल मिडियाआव गोसारदों। बेयाव एमपिआ मोनसे तिभि प्रगामआव जिनाहारि खालामनायजों लोब्बा गोनां सोमोनांथाव अन्जिमाखौ फोरमायदों। बिथाडा बुंदों, पाकिस्तानआव जिनाहारि केसनि दायनिगिरिफोरनि 82 जौखोन्दोआनो भुगिनांनय नख'रनिनो जायो। जिनाहारि



खालामग्राफोरनि गेजेराव भुगिनांनय हिन्जावसा एबा आइजोफोरनि बिफा, बिदा-फंबाय, बिबथै, बिमाय, बिमायं, बिबौ बायदिफोरबो दंफायो। मोनसे तिभि प्रगामाव एमपि शन्दना गुल्जार खानआ राइटस गुप वार अन रेपनि अन्जिमाखौ गथायनानै बुंदोंदि, हिन्जावसाफोरखौ जिनाहारि खालामग्राफोरनि गेजेराव

बयनिखुइबो बांसिनानो नख'रनि सोद्रोमा जायो। गुल्जारआ 2018 नि आगस्टआव नेसनेल एसेमब्लिनि सोद्रोमा सायख' जादों। बिथाड बुंबावोदि, जाय हिन्जावसाफोर गवनि नख'रनि सोद्रोमाजोंनो जिनाहारि खालामनायनि उनाव गोबांबति जायो, बिसोरो पुलिसनाव थाडा, एभर्सन खालामनोसो

थाडो। बिसोरनि बिमाफोरा हिन्जावसाफोरखौ आइजो बेरग जस्त्रिगिरिनियाव लानानै थाडो। जेब्ला बिसोर आइजोखौ पुलिसनाव थानो थिनोब्ला, भुगिनांनय हिन्जावसांनि बिमाया गाव-गावनि फिसायखौ पुलिसनो हसरो एबा नागारनो हाया होन्ना बुडे। तिभि स'आव एमपिआ बुंबावदों, पाकिस्तानआव बे आयदानि

सोमोन्दै रायज्जलायनो रावबो थियारि जाया। बेयो मोनसे गिखंथाव इसारा 2022 नि अक्टबरआव फेनाय मोनसे सार्भेनि रिपर्टनि बायदिब्ला, पाकिस्तानव मोनफोम 2 घन्टयाव जिनाहारि जायो। बेनि अनगायै पाकिस्तानव अनार किलिनि केसआबो लान्थियै बांबेदों। पाकिस्ताननि पान्जाबि नख'र बिफान आरो सुबुंमोन्थाइ मावख'निफ्राय बुथुमनाय अन्जिमानि सायाव बिथा खालामना पाकिस्तानी चेनेल समा तिभिनि इन्भेस्टिगेशन इउनिटआ सार्भेखौ खालामदों। बेनिफ्राय मिबथिनो मोन्दोंदि, हादतआव जिनाहारि केसआ जोबोद बारायदों आरो साजा मोन्नाय हारआ जोबोद खम। 2017-2021 सिमाव 21,900 आइजोफोर जिनाहारिनि मैहुर जानांदोंमोन होन्ना सार्भेआव बुंदों।

## तालिबानआ बलख राइज्योआव आइ एस आइ एसनि थाग्रा जायगाखौ सिलिंखार खालामदों

काबुल, 19 मार्च : तालिबानआ आइएसआइएसनि थाग्रा जायगाखौ थांखिनानै माखासे उतखारिफोरखौ सिलिंखार खालामदों। तालिबाना बुंथिगिरि जावउल्लाह मुजाहिदआ शनिबारखालि बुंदों, तालिबान रैखाथि हान्जाया बलख राइज्योनि मजार-ए-शलिफआव उदखारिफोरनि हेंथायै मोनसे गिदिर गाग्लोबदों। मुजाहिदआ बुंदों, आइएसआइएस उतखारिफोरनि हेंथायै तालिबान रैखाथि हान्जाया जर'खा अभियानखौ जागायदों। मुजाहिदनि बायदिब्ला अभियाना शुक वारनि हर गेजेरसिम सोलिलदों आरो बेवहाय आइएसआइएसनि माखासे उतखारिफोर थैदों आरो तालिबान रैखाथि हान्जानि सासे सोद्रोमाया जोखोम जादों। खामा प्रेसनि गेजेरजों होनाय खौरनि बायदिब्ला जायगानि



सुलुंआबो मजार-ए शरिफनि जर'खा ओन्सोलाव तालिबान रैखाथि हान्जाफोर आरो उतखारिफोरनि गेजेराव दावस-दावसि जानायनि खौरांखौ होदों। मोनसे मावख'आरि बिबुंथिनि बायदिब्ला मजार-ए शरिफआव शुकवारखालि हरनि अपारेसनआव थैनाय दाएशनि सा 5 उतखारिफोर ताजिकिस्तान आरो उन्वेकिस्ताननि नोगोरिमोन। बलखनि पुलिस

बुंथिगिरि महम्मद आसिफ वाजिरआ पञ्चक आफगान निउजोनो फोरमायदोंदि, मजार-5-शरिफआव संगालिनि सायाव बिथा खालामनाय अभियानफोरनि गेजेरजों आइएसआइएसनि मोन्थाम जायगाफोरखौ सिलिंखार खालोमदों। बलखआव बिथोनगिरिफोर बावैसो समाव सा 8 उदखारिफोर आरो सुबुं लांखारग्राफोरखौ बुथारनायनि

दाबि दैखंदोंमोन। थैनायफोरजों सोमोन्दो गोनां सुबुंफोर बुंदोंदि, भुगिनांनय सुबुंफोरा दाय गैयामोन आरो बिसोरो कम्पानियाव हाबा मावोमोन। मख'नो गोनांदि, आइएसआइएस उतखारिफोरा गारै आफगानिस्तानआव गोग्लानायखौ गोखोंसिन खालामदों, जरखा महरै सा राइज्योआव बांसिनै गाग्लोबदों।

## पेरु आरो इक्वाडरआव बांग्रिजों सा 12 जिउ ख'हा

इक्वाडर, 19 मार्च : पेरु आरो इक्वाडरआव 18 मार्चखालि गोख्रों बांग्रि मावदों। रिक्टर स्केलआव 6.7 गोख्रैथिनि बांग्रिजों सा 12 जिउ गोमादों आरो सासे जोखोम जानायनि खौरां मोन्नाय जादों। बे बांग्रियाव माखासे न'-बां आरो बिल्डिंफोरबो ख'हा जायो। इक्वाडरनि माचला आरो कुएनका बायदि सहरफोराव बिल्डिंफोरव ख'हा जानाय नुनो मोन्दों। बेनि अनगायै गुआयाकिल'क्वेट', मनाबि आरो मान्जाजों लोगोसे गुबुन सहरफोरवबो बांग्रिनि गोहोमा नाहैदों। इक्वाडरनि हादतगिरि गुइलेर्म लास'आ सशोल मिडियाआव सुबुंफोरखौ दुंहाव थासाारि सोमजिहोयैनि थाखाय खावलायदों। क्वेट'नि खैफोद सामलायग्रा मावख'निफ्राय मिबथिहोनाय बायदिब्ला कुएनकाआव जारिमिनारि मिरुआव गोजायथार न'आ बांग्रिजों ख'हा जादों। फारसेथिं एल अर'रइज्योआव सा 3 जिउ गोमादों होन्ना मिबथिनो



मोन्दों। पेरुनि बांग्रि बिबानगिरिया सिगां समाव 7.0 रिक्टर बांग्रि मावदों होन्ना मिबथिहोदोंमोन। नाथाय उनाव बांग्रिनि गोख्रैथिखौ 6.7 रिक्टर होन्ना फोसावना होफिनो। इक्वाडरनि दै सांथ्रिया बांग्रि मावदोंब्लाबो सुनामि फेनाय जेबो खैफोद गैया होन्ना बुंदों। मख'जाथावदि, थांनाय 6 फेब्रुवारीयाव तुर्की आरो सिरियाआव गिखंथाव बांग्रि मावदोंमोन, जाय गोबां सिलिंखार खालामलांदों। बे बांग्रिनि गोख्रैथिया 7.8

रिक्टरमोन आरो बेनि मिरुआ तुर्कीनि गजायान्तेपआवमोन। अदेबानि बै सिलिंखार खालामलांनय बांग्रिया खेबसेल'मावयाखैमोन। खेबसेल उनाव खेबसे गले-गले बांग्रि मावनांनै मुलुगनाडै बयखौबो गिखांहोलाडे।

रिक्टरमोन आरो बेनि मिरुआ तुर्कीनि गजायान्तेपआवमोन। अदेबानि बै सिलिंखार खालामलांनय बांग्रिया खेबसेल'मावयाखैमोन। खेबसेल उनाव खेबसे गले-गले बांग्रि मावनांनै मुलुगनाडै बयखौबो गिखांहोलाडे।

## 31 मार्चसिमाव पेनखौ आधारजों लिंक खालामाब्ला जेनायाव गोग्लैनो हागौ

गोदान दिल्ली, 19 मार्च : जुदि नोंथाड दासिमबो गावनि पेन कार्डखौ आधारजों लिं खालामाबेब्ला 2023 नि 31 मार्चसिमाव खालामनो हागोन। बेबायदि खालामाब्ला नोंथानि पेनआ इनएक्टिव जागोन। सेन्ट्रल बर्ड अफ डायरेक्ट टेक्सेज (सिपिडिटि) आ 2022 नि 30 जुननि उननिफ्राय पेनखौ आधारजों लिंक खालामनायनि थाखाय 1000 रंखौ लेट फिस महरै लादों। पेन कार्डआ इनएक्टिव जायोब्ला बेबायदि सुबुंफोर म्युचुएल फान्ड एबा स्टक एकाउन्ट खुलिनाय बायदि हाबाफारिनि गनायथि मोनाय



नडा। बेनि अनगायै जुदि नोंथाड बे पेनकार्डखौ जायखि-जाया

समावनो लेखा बिलाइ महरै बाहायोब्ला जुसिमाना होनांनो हागौ। आधार नेम-खांथि 1916 नि धारा 272बि नि गेजेरजों नोंथानि सायाव 10,000 रंसिनि पेवाल्टी लागायनो हागौ। आयकर नेम-खांथि 1961 नि गेजेरजों माखासे सुबुंफोरनि पेनखौ आधारजों लिं खालामनायाव रेहाय होदों। बे केटेगरियाव आसाम, जम्मु एबा काश्मीर आरो मेघालयनि सुबुंफोर, नन रंजिडेन्ट, 80 बोसोर एबा बेनिफ्राय बांसिन बोसोरनि सुबुंफोर आरो गुबुन हादतनि नोगोरिफोरा दंफादेरो।

# एटिके महन बागानआ आइ एस एल 2023 नि बिमुं देरहाबाय

पानाजी, 19 मार्च: एटिके महन बागानआ इन्डियन सुपर लीग (आइएसएल 2023) नि बिमुं देरहाबाय। एटिकेनि टीमआ फाइनालयाव सुनिल चेत्रिनि टीम बंगालुरु एफसिखो पेनाल्टि शूटआउटयाव 4-3 गलनि फारागयाव फेजेन्दो। महन बागाना गिबि खेब आइएसएलनि बिमुं देरहादो। गवायाव गेलेनाय फाइनाल मेचनि आबुं समसिमाव मोनेबो टीमआ 2-2 गल स्कराव ड्र' मेच गेलेदोमोन। जायनि फिथाइ महरे थाखिनि थाखाय लानाय पेनाल्टि शूटआउटयाव महन बागानआ देरहानो हाबाय। मेचनि बाभ्रा बुडेब्ला, जागायजेनाय मेचयावबो बंगालुरुआ माखासे जोखोम जानाय जेनायाव गोलैजेन्दोमोन, मानोना मेचनि जागायजेनाय समावबो टीमनि स्टार गेलेगिरि सिभा शक्ति नारायणनाय जोखोम जादोमोन। बेनि उनाव मेचनि जागायजेनाय मिनटियाव सुनिल चेत्रिखो बिथानि सोलायै फोथाराव साबस्टिटुट महरे दैथायहरनादो। मेचनि 13 मिनटियाव रय कृष्णनि गोरोन्थिनि जाहोनाव महन बागानआ पेनाल्टि कनारनि खाबु मोन्दो आरो बेयाव डिमित्री पेनाल्टि आ गल सोना टीमखो 1-0 गलनि फारागयाव आबगायहोजेन्दो। बेनि उनाव गिबि हाफनि इन्जुरि समाव महन बागाननि फाउलटयाव बंगालुरुआ पेनाल्टिनि खाबु मोनफिन्दो।



बे खाबुयाव सुनिल चेत्रिआ गल सोफिना 1-1 गलाव समाव स्कर लाबोफिन्दोमोन। बिथानि उनाव मेचनि


78 मिनटियाव रय कृष्णआ फिन गल सोफिना बंगालुरुखो 2-1 गलनि फारागयाव आबगायहोदोब्लाबो टीमनि बे स्कर गोलालव समसिम थायाखे।

मानोना मेचनि 85 मिनटियाव बंगालुरुनि खेबसे फाउलटयाव महन बागानआ पेनाल्टि मोन्यायाव

पेनाल्टिसआ फिन गल सोबावना टीमखो 2-2 गलनि स्कराव समाव लाबोफिन्दो। बेनि उनाव मोनेबो टीमआ आबुं समसिमाव गल सोलायनो हायाखे। 30 मिनटनि उफ्रा समावबो मोनेबो टीमआ गल सोलायनो हायैयाव मेचखो पेनाल्टि शूटआउटयाव पेनाल्टिस, लिस्टन कलाक', कियान नासिरि आरो मानभिर सिंआ गल सोदो। गुबुन फारसे बंगालुरुनि जाना एलन कस्ट, रय कृष्ण आरो सुनिल चेत्रियाल' गल सोनो हादो। नाथाय बून' रामिरेज आरो पाब्ले पेरेजनि स्करखो बागाननि गलकियाप होबथानो हादो। आइएसएलनि 9 थि सिजनसिमाव दासिमाव मोन 6 टीमफोरा सेमियन जालांबाय, जायनि गेजेराव एटलेटिक' डि कलकताया बयनिखुइबो बांसिन खेबथाम बिमुं देरहाबाय। सेन्याय एफसिआ खेबने आइएसएलनि बिमुं देरहाबाय, गुबुन फारसे महन बागान, मुम्बाइ सिटि एफसि, बंगालुरु एफसि आरो हाइड्राबाद एफसिआ 1-1 बिमुं देरहाबाय। 2014 आव खुंजानाय गिबि सिजनयाव एटलेटिक'आ बिमुं देरहादोमोन आरो जोबथा खेब महरे हाइड्राबाद एफसिआ थानाय सिजनयाव सेमियन जादोमोन।

## अल इलेन्ड सेम्पियनसिप: त्रिसा आरो गायत्रिनि ज'राया सेमिफाइनलयाव जेन्नांबाय

गोदान दिल्ली, 19 मार्च: भारतीय लाइमोन बेडमिन्टन गेलेगिरि त्रिसा जली आरो गायत्रि गपिचान्दनि ज'राया अल इलेन्ड सेम्पियनसिपनि सेमिफाइनलयाव मुलुगनि 20 नम्बरनि करियाव बाइक ना हा आरो लि स' हिन ज'राजो जेन्नांबाय। करियानि ज'राया आइजो डाबल्सयाव भारतीय ज'राखो 21-10, 21-10 स्करनि फारागयाव फेजेन्ना 46 मिनटनि गेजेरावबो देरहानाय थिसन्दो। मख'नो गोनादि, गायत्रिनि बिफा। पुले ला गबिचान्दआबो सासे मुदोखा बेडमिन्टन गेलेगिरिमोन। बिथाडाबो बे सेम्पियनसिपनि बिमुंखो 2001 आव देरहानो हादोमोन। भारतनि जाना बयनिबो सिगां बे सेम्पियनसिपयाव प्रकास



पाडुकनआ 1980 आव देरहादोमोन। 20 बोसोरनि गायत्रि आरो 19 बोसोरनि त्रिसाया फाइनालयाव सौहेनायनि खाबु मोन्दोब्लाबो करियानि ज'रानिफ्राय होनाय सेलेसखो बारनायाव फेलें जादो। मख'नो गोनादि, लिआ खेबने वर्ल्ड सेम्पियनसिपनिबो बिमुं देरहाबाय। बे मेचयाव भारतीय ज'राया गिबि सेट्याव 0-4 स्करनि फारागयाव उन जानायनि उनाव

आरोबाव करियानि ज'राया गोखैये दिन्थिफु'ना 15-5 स्कराव आबगायो। बेनि उनाव भारतीय ज'राया माखासे पइन्ट आभिदेरना 9-13 स्कराव आबगायफिन्दोब्लाबो जोबनायसिमाव जेनहेनादो। 12 थि सेट्यावबो भारतनि ज'राया गोबां खेब गोरोन्थि दिन्थिफुदो। जायनि खाबुयाव करियारि ज'राया पइन्ट आभिना देरहानायजो फाइनालनि टिके मोन्दो। भारतीय स्टर गेलेगिरि

किडाम्बि श्रीकान्त आरो एडसएस प्रणयआ बेनि सिगां होवा सिंगेल्सनि जोबथा 16 नि मेचयाव जेन्नाबे से सिपियनसिपनि फ 1 य जायखारनांबाय। जापाननि कडाइ नराकया होवा सिंगेल्सनि मेचयाव श्रीकान्तखो 21-17, 21-15 स्कराव फेजेन्दो। गुबुन फारसे, प्रणयआ इन्डोनेसियानि सिनिसुका गिन्तिजो खेबथाम सेटिसम सोलिनया मेचयाव 21-20, 15-21, 21-17 स्कराव जेन्नाडे। खेबने अलिम्पिक मेडल देरहानाय आइजो गेलेगिरि पिभि सिन्धुआ गिबि राउन्डयावबो जेन्नांनो सेम्पियनसिपनिफ्राय जानारनादो। बिथाडा आइजो सिंगेल्सनि मेचयाव 39 मिनटियावबो चीननि झां योजो 21-17, 21-11 स्कराव जेन्नादो।

गोदान दिल्ली, 19 मार्च: रहन बपान्ना आरो मेथ्यु एबडेननि भारत-अस्ट्रेलियानि ज'राया बिपनि परिबास अपेन मेन्स डाबल्सनि बिमुं देरहादो। रिके गौजायै बिथानि ज'राया इन्डियन वेल्स फाइनालयाव टप रिकेनि वेस्ले कुलहफ आरो निल स्कुपस्कीखो 6-3, 2-6, 10-8 स्करनि फारागयाव फेजेन्दो। बे देरहानायजो 43 बोसोरनि बपान्नाया एटिपि मास्टर्स 1000 नि टुफी देरहानाय बैसोगोरसिन गेलेगिरि जानो हादो। इन्डियन वेल्सयाव गावनि 5 थि मास्टर्स 1000 टुफी देरहानायनि उनाव बपान्नाया गावनि गोजोनायखो फोरमायना थानाय माखासे बोसोरनिफ्राय बे टुनान्दयाव



बाहगो लाबोनायखो फोरमायनाय माखासे समफोरव देरहाबोनायखो गोजोनाय फोरमायदो। बादायनाय मेचयाव बिथाडा बेरेखा टीमनिफ्राय गोखो सेलेन्स मोन्यायखो फोरमायना गोखो नाजाथाबनायनि गेजेरजो गावसोरनि देरहानायखो फोरमायदो। भारत-अस्ट्रेलियानि ज'राया बेनि

सिगां सेमिफाइनलयाव डिफेन्डि आरो खेबने डिजिट बिमुं देरहाबाय जर इन्स्ट आरो जेक सकखो फेजेन्दोमोन आरो क्वार्टर फाइनालयाव कानाडानि सिंगेल्स स्टर फेलिक्स एगर-अलियासिम आरो डेनिस सापभालबनि हेथायै देरहानाय टीम एबडेनआ देरहानायनि उनाव भारतीय ज'राजो

दिन्थिफुनो मोन्यायखो गोजोनाय फोरमायदो। लोगोसे गावसोरनि बैसोखो नोजोर लाखिनायनि सोलायै गेलेनायनि फारसे बांसिन नोजोर लाखिनायखो फोरमायदो। बपान्नाया गावनि बारग' लोगो गेलेगिरि डेनियेल नेस्टरखो गाख्नायना बयनिखुइबो बैसोगोरसिन एटिपि मास्टर्स 1000 नि फाइनालिस्ट जाबाय आरो अभासअल बैसोगोरसिन सेम्पियन जानायजो फिन कानाडानि गेलेगिरि नेस्टरनि रेकर्डखो सिफनयदो। बपान्नाया गावनि 10 थि एटिपि मास्टर्स 1000 फाइनालयाव गोखोडे दिन्थिफुदो। एपडेनआ अस्ट्रेलियानि मेक्स पारसेलजो 2022 आव उइम्बलडननि बिमुं देरहादोमोन।



National Health Mission, Assam



आसाम सरकार

# मुलुगनां खुगा देहा सान

20 मार्च, 2023

नेवसिनाय आरो खुगा साखोन-सिखोन खालामैआ हाथाय आरो खुगा बेरामनि थाखाय गुबै जाहोनफोर

खुगा साखोन-सिखोन लाखिनायनि राहाफोर



1. जेब्लायबो गुरैये आरो सरासन्हायै हाथाय ब्रास खालामनाया खुगानि सिं बाहागोखो साखोन-सिखोन लाखिनायनि राहा



2. थाव गोनां आरो गोदै बेसादफोर जैरे सकलेट, टपी, केन्डि, आइसक्रीम, कल्ड ड्रिंक्स बायदि जानायखो बाडाइ खालाम



3. मोनफ्रोम ड' दाननि उनाव गेंगिथि गोनां डेन्टिस्टजो हाथाय आरो खुगा सिनि बाहागोखो आन्जाद खालामजा



4. उदै बैसोनिफ्रायनो गथ'फोरखो मोजां रोखोमै हाथाय जोथोन लानाय आरो खुगा साखोन-सिखोन लाखिनायनि बागै गथ'फोरखो फोरोनय



5. नोथानि हाथाय सानायनि थाखाय सासे डेन्टिस्टजो फाहामथाय ला। हाथाय सानाया बेराम सोमजिनायनि मोनसे सिगांग्रो सांग्राथि; बेखो सिगांफासे जाहोनो नाड।



6. खहा गोनां बेसादफोर जैरे-गय, पान मसाला, सिगारेट, थांखु, फेग्रा मुवा बायदि जानायखो नागार। होबथानाया बेराम सोखानायनिफ्राय साबसिन राहा



7. बांसिन भिद्यमिन गोनां (ए,बि,सि,डि), मिनारेल सिंखि आरो केल्सियम-पसफरस बांसिन गोनां आदार जैरे-गाइखेर, दावदे, बेदर, सोमखोर बिलाइ, मैग-थाइंग आरो फिथाइफोरखो नोथाडा डाइटि खालाम।

खुगा जोथोन खाबु गोनां सरकारि देहा मिरुफोर

बाक्सा  
रुबि बर' सिभिल हस्पिटल  
बरपेटा  
फखरुद्दिन आली आहमेद मेडिकल कलेज एन्ड हस्पिटल  
बडाइगाव  
बडाइगाव सिभिल हस्पिटल  
कासार  
एस.एम. देब सिभिल हस्पिटल  
दरं  
मंगलदै सिभिल हस्पिटल  
धेमाजि  
धेमाजि सिभिल हस्पिटल  
डिब्रुगड़  
आसाम मेडिकल कलेज एन्ड हस्पिटल

धुबुरी  
धुबुरी मेडिकल कलेज एन्ड हस्पिटल  
डिमा हासाव  
हाफतं सिभिल हस्पिटल  
गवालपारा  
गवालपारा सिभिल हस्पिटल  
गलाघाट  
एस. के.के. सिभिल हस्पिटल  
हाइलाकान्दि  
एस.के. रय सिभिल हस्पिटल  
जह्राट  
जह्राट मेडिकल कलेज एन्ड हस्पिटल  
कामरुप मेट्र  
डिस्ट्रिक्ट हस्पिटल, सनापुर

कामरुप रुरेल  
टलाराम बाफना सिभिल हस्पिटल  
काबिआल  
डिपु मेडिकल कलेज एन्ड हस्पिटल  
करिमगन्ज  
करिमगन्ज सिभिल हस्पिटल  
कक्राझार  
आरएनबि सिभिल हस्पिटल  
लखिमपुर  
लखिमपुर मेडिकल कलेज एन्ड हस्पिटल  
नलबारि  
नलबारि मेडिकल कलेज एन्ड हस्पिटल  
नगाव  
भुगेस्वरि फुकननी सिभिल हस्पिटल

मरिगाव  
मरिगाव सिभिल हस्पिटल  
शिबसागर  
शिबसागर सिभिल हस्पिटल  
सनितपुर  
कनकलता सिभिल हस्पिटल  
तिनसुकिया  
तिनसुकिया सिभिल हस्पिटल  
उदालगुरि  
उदालगुरि सिभिल हस्पिटल

नोथानि  
खुगानि सायाव  
गोगानाय ला

एम्बुलेन्स सिबिथायनि थाखाय 108 आव कल खालाम

देहाजो सोमोन्दो थानाय फोरमायथिनि थाखाय 104 आव कल खालाम